


MITUNA MPE BIYANO

BAEBELE ETENI YA I

 Ndenge nini ye mwasi akokaki kosala yango kozanga Nzambe? Elingaki kozala oyo ya solosolo, boye te? Ekokaki kosalema te kozanga Nkolo.

Nakoteya uta na nyonso wana te. Kasi nakanisaki ete nakoki komona eloko moko ya mwa makasi, boyebi, boye malamumu námilengela. Kasi, oh, ezalaki mpenza, mpenza pepepe. Boye, ntango mosusu mituna ezali na yango mingi te, kati na bato na bongo, ezali kaka mituna ya petee mpenza mpe ya pepepe. Ee, naza na esengo ya komeka koyanola na yango na malamumu mpenza, na lisungi ya Nkolo.

² Mpe soko Ndeko mwasi Arganbright azali awa na mpokwa oyo... Ndeko mwasi Ruth. Ozali awa, Ndeko mwasi Ruth? Ngambo oyo. Nazali na... Oh, iyo, nazali na adresse awa, mpe... Te, naza na yango te. Ee, nakoki kozua yango mbala moko awa. Nazalaki na yango na potomone na ngai, mpe natikaki potomone na ngai na ndako. Sikoyo, soko polisi akangi ngai ntango nakozonga na ndako, Ndeko Fleeman, yaka kosunga ngai. Yebisa Billy naza... natikaki potomone na ngai na ndako, nazokumba motuka ná permit te, na mpokwa oyo. Mpe nakanisaki ete nazalaki na yango na libenga na ngai; nalati bilamba mosusu. Nakotaki mbangu, na nsima ya nzanga oyo, nazalaki kokata matiti noki-noki mpe nasengelaki kotika mpe nasala noki mpo na koya awa, nalataki bilamba mosusu mpe nayaki mbangu awa. Mpe na—namemaki lexique, kasi bokoki kozua yango mbala moko na nsima.

³ Bóyoka mabe te mpo na mokanda *wana*. soko natikálá kozua naino mokanda ya mabe koleka oyo wana te, wana elingaki kozala mokanda moko malamumu. Ezalaki malamumu. Ezalaki mpenza, mpenza malamumu. Nayebisaki bino ete nakotángá yango te, kasi namikosaki, boyebi, mpe nakokaki lisusu kokanga motema ntango molai te. Nazalaki komituna nini okomaki mpenza. Mpe ezalaki mpenza, mpenza malamumu, ekomami mpenza ndenge molakisi ya kelasi ya solosolo asengeli kokoma. Ezalaki malamumu, mpe nasepeli na yango. Mpe e—epesaka yo... .

⁴ Bomoni, nalingaka mikanda ya moto moko oyo tokoki—tokoki kozala na mwa bokeseni. Bomoni, soko ozali ntango nyonso kokende liboso, kozanga ete moto moko ákesana ná yo, sukasuka okokauka. Osengeli kokutana na mwa bokeseni mpo ósosola mpe ókota na bozindo ya likambo. Mpe—mpe okokota na kati ya momesano moko soki okebi te; na nsima o—na nsima

okoti na mobulu, ntango osali bongo. Osengeli kaka kokóba kokende liboso mpe kokutana na moto moko oyo akokesana ná yo, mpe kopanza nsala na yo mwa moke, mbala na mbala.

⁵ Kuna na Afrika, namonaki bana-nkosi mibale, mpe bazalaki mike mpenza, pene na *boye*. Bana-nkosi ya matónó, ya mike; mwana-nkosi moko ya mobali, ná mwana-nkosi mosusu ya mwasi. Sikawa, bazalaki lokola bana-nyau, bazalaki mpenza mike ndenge wana, mwa . . . mwa bana kitoko mpenza, bazalaki kosakana. Mpe nalingaki kozonga na bango na Amerika, natiaki bango na kati ya mwa ndako ya ndeke. Nalingaki kozonga bango awa, kasi nakokaki kozua eloko moko—moko te mpo na kopesa bango mangwelé, nkisi moko te. Mpe balingaki kotika ngai te námema bango na Etats-Unis, kozanga ete bázua liboso mangwelé, mpe nakokaki komona yango te, na Afrika mobimba. Kasi soki olingaki koyeba soki azalaki nkosi to te, beta ye kaka mwa moke. Akomibongisa mpo na etumba mpe akolakisa yo ete azali nkosi, boye—boye, na lolenge wana nde okoyeba esika oyo ye atelemi.

⁶ Nde ndenge wana nde osengeli kosala mbala na mbala, boyebi, kopanza nsala mwa moke, mpo na koyeba. Kasi, sikawa, biso tosilikaka lokola nkosi te; to—tolingaka yango mingi kaka, ko . . .ete bato bátuna mituna. Mpe mituna ya ndenge wana, Ndeko mwasi Ruth, ezalaka mpenza, mpenza malamú mpo na ngai. Eza e . . .na—nalingaka yango, bomoni. Oyo ya mabe mingi wana, yango nde naboyaka kozua. Kasi baoyo wana ezalaka . . . oyo wana ezalaki malamú.

⁷ Sikoyo tozali na mituna ya malamú, ya kolamikisa mpenza, ya biso awa. Motei moko azali kuna, na ndako na nsima, kaka sikawa, atunaki ngai, alobaki: “Basakoli mibale ya Emoniseli 11, bakoya nde liboso na Konetolama? To liboso ete Yisraele élongolama? Mpe oyo . . .” Sikawa, wana nde lolenge ya mituna oyo—oyo—oyo ekangaka yo. Kasi mituna ya petee lokola oyo ezali na yango mabe te.

Kasi sikawa, liboso ete tóbanda, tógumba mitó mpo na libondeli.

⁸ Tata, ekomami ete ntango Ozalaki na mibu zomi na mibale, Bakutaki Yo na Tempelo, elongo ná bakomeli mpe bato na bwanya, kosololáká ná bango Makomi. Mpe bazalaki—bazalaki kokamwa na . . .bampaka, mpe bato bayekolisámá malamú na kati ya Makomi, mpe ata bongo komona mwana moke Mobali ya mibu pene na zomi na mibale, ákoka ko—kobulunganisa bango na ndimbola ya Makomi. Ozalaki kosala mosala ya Tata na Yo. Olobaki na mama na Yo: “Oyebi te ete Nasengeli kosala mosala ya Tata na Ngai?” ya kolimbola Makomi na ndimbola na yango ya molimo.

⁹ Mpe sasaipi tobondeli, Nkolo, ete—ete Oyebi ete tozali bato na bolembu mpe na botau, mpe ndenge tokweyaka na mabunga,

ete Óya kozala elongo na biso na mpokwa oyo, na lolenge ya Molimo Mosanto, mpe Ólimbolela biso Makomi. Nazali kozala mpe kotalela Yo. Mpe soko esalemi, na ntango moko, ete nameki kotia makanisi na ngai moko to ndimbola to eloko moko mpo na ngai moko, mpo na komeka kosala ete éyokana ete ndenge na ngai ya kolimbola yango ezali malamú, kanga monoko na ngai, Nkolo, ndenge Olingaki. . . Osalaki mpo na bankosi, ntango bayelaki Danyelee. Ozali Nzambe yango moko kino lelo.

¹⁰ Mpe tika ete ézala mobimba. . . Wana tozali kotalela Molimo Mosanto, tika ete Ámonisa biso makambo oyo. Bongo, ntango Akoloba yango, sala ete ézala mpenza polele na lolenge ete moto oyo atuni motuna yango ákoka koyamba Yango. Mpe soko Eyanoli kokesana na oyo ngai nandimaka ntango nyonso, na bongo, tika ete motema na ngai ésepela mpe, Nkolo, koyeba ete nasili komona eloko moko ya sika, mpe mwa nzela malamú ya Nkolo. Mpamba te Olobaki: “Bóluka-luka kati na Makomi, mpo ete bobanzi ete kati na Yango bokozua Bomoi na Seko, mpe Yango nde Ezali kotatola na ntina na Ngai.”

¹¹ Sikawa, nsima na malakisi ya Makomi oyo, na ntambe te, ekolamusa makanisi mingi mpe bongo na bongo. Mpe nabondeli, e Nzambe, wana emonani lokola ete mituna yango nyonso etunami na bolamu mpe na boboto mpenza, tika ete Molimo Mosanto áyanola na yango na bolamu mpe na boboto. Mpo tosengi yango na Nkombo na Yesu, mpe mpo na nkembo na Nzambe, mpe na kolendisama ya Lingomba na Ye. Amen.

¹² Mbala mingi, kosala likambo na bopimi, ata na likambo nini, ebebisaka mobimba ya likambo yango. Sikawa, nsima na Makomi oyo, mituna mitunami.

¹³ Sikoyo, soko napiololi mwa moke na mpokwa oyo, ezali mpo nalongoli lino moko. Soki nazongisi yango, nakokoka koteya te, nakómaka koloba malembe ntango nazoteya; soki nalongoli yango, nakómaka kopiolola mwa moke.

¹⁴ Mme Billy Graham abetaki lisolo mpo na ntina na ye mobali, ete eloko ya ndenge koleka oyo ye amóná, ezali ntango azangaki lino na liboso. Autaki kobungisa yango, mpe azalaki na manáka moko ya televizio mbala moko nsima na yango, mpe—mpe akokaki te. . . Ezalaki na sani moko, esika moko ná mino mosusu ya nsima. Mpe ntango abandaki koloba, azalaki kosala “fiuu, fiuu” na nzela ya lino na ye. Mpe ye mwasi alobaki ete mobali na ye afukamaki, azalaki kobondela mpe kotoka, miníti zomi liboso ete manáka ya televizio yango ébanda, sukasuka bamonaki yango, ekweaki uta na pataló na ye, na mosapi ya lokolo ya sapato na ye. Moko na basali ya hotel nde amonaki yango, lino ya lokuta wana. Mme Graham abetaki lisolo yango na ntina na ye, awa. Na bongo ngai natiaki yango na mwa lokasa, nabanzi nazali na yango awa, na kati ya Biblia na ngai.

¹⁵ Na boye ezali lokola . . . ntango tokómaka mwa mibange ná kolemba, boyebi, mpe kobungisa yango, esalaka kitoko te. Na bongo na . . . ntango nabimaki elongo ná Ndeko Roberson oyo azali na nsuka kuna, ná bamosusu, nazalaki ko-brosé yango, mokolo moko na ntongo, mpe nabukaki yango mwa moke, mpe nasengelaki komema yango epai ya monganga, mpo ábongisa yango. Boye, Nkolo ábakisa mapamboli na Ye.

¹⁶ Sikoyo toko, sikawa, nakomeka koyanola moko na moko na yango, soko nakokoka. Mpe, Ndeko Tony, na ngolu na Nzambe, nazali na ndimbola ya ndoto na yo, mpe ezalaki malamau mingi. Naza na esengo mingi ya komona yango. Mpe ezali ndimbola malamau, oyo nabanzi ete nasengeli kopesa yango awa te, liboso na bato, boye, nakopesa yo yango na nkuku, soki o—soki olingi te. . . soki olingi ete ésalema bongo. Atunaki ngai na mpokwa mosusu, alotaki ndoto moko, mpe nakokaki koyebisa ye mpenza te oyo yango ezalaki, liboso ete nákende epai na Nkolo mpe nábondela mpo na yango. Na bongo Nkolo amonisaki ngai yango mpe ayebisaki ngai ndimbola na yango. Ezali malamau mingi, mpe nsango malamau mpo na yo, Ndeko Tony.

¹⁷ Sikawa, motuna ya liboso. Sikawa, nayebi mpenza te nábanda wapi, mpo yango nyonso ezali ya malamau. Kasi, sikawa, tokomeka kozua ntango molai mingi te, mpe ntango mosusu tokoki kosilisa yango mokolo ya Lomingo, soki tosilisi yango te.

51. Limbola ntina ya “etúmbu ya bileko na bileko,” na Matai 25:46. “Kasi . . .” Yango nde motuna.

52. Na nsima, motuna ya mibale: “Kasi bana ya bokonzi bakobwana kati na molili ya libanda,” ezali nde ndenge moko na kobwaka bango libanda na makanisi ya Nzambe?

¹⁸ Ee, sikawa, tózwa motuna na yo ya liboso, oyo ekomami na Santu Matai, mokapo ya ntuku mibale na- . . . 25. Sikoyo toko . . . Sikoyo natikali koyekola oyo te, natalaki yango kaka, kuna na nsima, mpe namekaki mpenza kotala yango na ndenge ya malamau nyonso oyo ngai—oyo ngai nayebi. Mpe ya ngai . . . Bózua elongo ná ngai, na ba-Biblia na bino, wana tozali koyekola Yango. Sikoyo, nalingaki mpe kozua yango na lexique ya Greki, mpo bóyeba e—ebandela na yango. Mpe na—nasepelaka na yango. Na boye tokozala na Yango nyonso mibale na—nyonso mibale na—na Greki mpe lokóta mosusu. Mpe sikoyo oyo ekozala—ekozala mwa malembe, tokoyekola yango, mpo nasengeli kosembola loboko mpo na kozua Likomi yango, bisika nakoki komona yango, mpe kotia yango na bisika na yango. Malamau.

¹⁹ Sikawa, moto moko azali na mposa ya Biblia mpo na koyekola na yango? Soko olingi, tombola loboko. Mpe biso . . . Nakanisi ete tozali na yango misato to minei awa. Soko bolingi koyekola na nzela na Makomi, malamau. Ndeko Cox, okoki koya kozuela ngai ba-Biblia oyo? Mpe e—ezali malamau mpo na

bino, soko bokoki, ko . . . (moko yango wana, mpe mema—mema yango kuna, soko olingi, motango yango). Mpe moto nyonso oyo azali na mposa na yango, tombola kaka loboko, elenge mobali akomemela yo yango, bomoni. Mpe tolingi koyekola makambo oyo elongo, mpe . . .

²⁰ Sikawa, na litángi oyo, mpe mikapo ya nsuka . . . mikapo nsambo ya liboso ya Buku ya Baebele. Nsima ya malakisi yango, na ntembe te, elenge mobali oyo akomaki yango, mitó ya mateya oyo, Ndeko Mercier ná Ndeko Goad, bazali na yango mpe sikawa bazobongama mpo na kobimisa yango na lolenge ya buku. Mpe bazali na yango. Boye . . . mpe toyekoli naino ata kati-kati na yango te, topaloli yango kaka likoló-likoló. Mpe nakanisi bayeisi yango mokuse . . . mpe babimisi bi—biteni mike ya motuya ya . . . mpe bangengisi kaka biteni ya motuya yango, kaka mwa biteni ya motuya ya malakisi ya Baebele. Ndeko Mercier akobimisa yango kala mingi te, na nkasa, mpo na moto nyonso oyo azali na mposa na yango.

²¹ Sikawa oyo na kati awa, epesaka . . . Okoki kosilisa te . . . na lingomba ya kopalanganisa Nsango-malamu, oyo mpe ezali lingomba ya kopalanganisa Nsango-malamu. Okoki kosilisa ma—malakisi moko te, kozanga kolamusa mituna mpe makanisi ya bato ebele. Osengeli mpenza. Sikawa, nazali mosika na kozala molakisi, molimboli ya Biblia te. Kasi namekaka ata moke te ko—koloba likambo moko, to kutu kosala likambo moko, kozanga ete nátuna to náluka liboso—liboso eloko ya malamu koleka mpo na yango.

²² Ndeko molingami moko atunaki ngai, lobi na mpokwa, alobaki: “Ndeko Branham, mokolo moko Ndeko Seward alobaki ete ba—bakokaka kokweisa yo ata na likambo moko te. Bomoni, ete ozalaka ntango nyonso na nzela ya kobimela to ya kokima yango.”

²³ Nalobaki: “Ee, ntina na yango ezali ete, namekaka ntango nyonso kokanisa, liboso ete násala likambo. Bomoni? Boye, soko bato batuni ngai, na bongo nakoki koyebisa bango oyo makanisi na nga ezali. Bomoni?” Kasi ezali soko okanisi malamumu. Mpe liboso ete ósala likambo nyonso, meka kozua ngámbo oyo Nzambe alingaki kosepela ete ózua, na bongo, ekozala mpenza mpasi ete bákweisa yo.

²⁴ Bokoki kokanisa te ntango oyo—oyo Akaba amekaki kokweisa Eliya. Bokoki kokanisa ntango oyo Bafalisai bamekaki kokweisa Yesu? Bomoni, Azalaki na—Azalaki na eyano mbala moko, mpo nyonso oyo Azalaki kosala, Asalaki yango na mokano ya Nzambe, mpe A . . . ndenge wana nde A—Azalaki kolonga. Boye, tolingi ete ézala bongo mpo na oyo.

Sikawa motuna etunami, tokokangama na motuna yango:

Pesa ndimbola ya “etúmbu ya bileko na bileko,” na Matai 25:46.

25 Sikawa bóyoka na bokebi mpenza. Moto nyonso sikawa, Matai 25:46:

Mpe bango bakokende kino etumbu ya bileko na bileko: . . .

26 Sikawa, motuna ezali: “Nini . . . Pesa ndimbola . . .” Sikawa liloba oyo *bileko na bileko* euti na liloba oyo “mpo na libela na libela,” mpe *libela* ezali “ntáká ya ntango.” Elingi kaka koloba “ntango moko boye,” lokola *libela*. Sikawa soko botáangi mpenza . . . Nayebi te nani akomaki mituna yango, mpo moto moko te akomi nkombo na ye; ezali te ete esengelaki kozala bongo, nazali na mposa na yango te, bomoni.

Kasi bango bakokende kino na etumbu ya bileko na bileko: . . . (Sikawa bótala malamú, ezali bato na nkanza.)

27 Sikawa, molingami—molingami oyo atunaki motuna yango, tánga kaka oyo elandi Yango:

. . . nde bayengebene kino na bomoi na seko.

28 Bato na nkanza bakokende na etumbu ya bileko na bileko (ntáká ya ntango moko boye), kasi bayengebene bazali na Bomoi na Seko. Bokomona etumbu ya Seko ata moke te, ekoki kozala te. Bomoni, soko bazali na etúmbu ya Seko, bazali na Bomoi na Seko; soko bazali na Bomoi na Seko, babikisami. Bomoni, ekoki kosalema te. Sikoyo soko botali malamú, mo—motuna yango emituni . . . emiyanoli. Bomoni?

Mpe bango . . .

Sikoyo bótala malamú, nakobanda na liboso awa:

. . . mpe bango . . .

29 Na molongo ya 20 . . . ya 44:

. . . mpe bango mpe bayanolaki, balobaki na Ye, Nkolo, ntango nini tomoni yo na nzala, ntango nini na mposa na mai, mpe mopaya, mpe bolumbu, . . . mpe na boloko, mpe biso tosungi yo te?

Bongo ako—akozongisela bango liloba ete, Nazali koloba na bino solo ete, Lokola bosalaki yango . . . epai na moko na bango baleki mokemoke, bino bosalaki yango . . . epai na ngai.

Bango bakokende na lobiko na etumbu ya (bileko na bileko) bileko na bileko: (oyo wana ezali bato na nkanza) . . . kasi bayengebene na Bomoi na Seko.

30 Bomoni bokeseni? Bato na nkanza bazali na etúmbu ya bileko na bileko, kasi *bileko na bileko* ezali “ntáká ya ntango.” Sikawa, soko ezalaki ndenge moko, elingaki kokomama: “Bango bakokende na etúmbu ya bileko na bileko, bamosusu bakokende na bomoi ya bileko na bileko.” Bomoni? To: “Bakokende na etúmbu ya Seko, mpe bamosusu na bomoi ya Seko.” Bomoni,

soko etumbu ya Seko ezali, mpo na kozua etumbu ya libela na libela, na bongo, ezali na Seko. . . azali na Bomoi ya Seko; mpe Bomoi ya Seko ezali bobele moko, mpe eutaka na Nzambe. Eloko nyonso oyo ezali na ebandeli te ezali na nsuka te, eloko nyonso oyo ezali na ebandeli ezali na nsuka. Bomoni oyo nalingi koloba?

³¹ Sikawa, Likomi Yango moko, oyo mo—molingami yango ayanolaki. . . Sikawa soko boluki yango na lexique, “*Mpe bango bakokende na ainion, bakolongolama, mpe na bile- . . . mpe na móto, libeke na móto.*” Sikoyo, liloba oyo *a-i-n-i-o-n* elingi koloba “ntáká ya etumbu.” Na lexique ya Greki, oyo awa, “ntáká ya etumbu,” to “ntango ya etumbu.” Bomoni: “Bango bakokende na ntango ya etumbu.” Basaleli liloba oyo, *a-i-n-i-o-n*. *Ainion*, oyo elingi koloba “ba-ntango, ntango, ntango oyo etyami ndelo.” Bongo, bózongisa yango na—na ndimbola ya Anglais awa, *bileko na bileko* ezali “ntango oyo etyami ndelo.” Bomoni, euti na Greki, “ndelo ya ntango.” Liloba oyo *ainion*, to *a-i-n-i-o-n*, *ainion* elingi koloba “ntango ya etumbu oyo etyami ndelo.”

³² Kasi na bongo bótanga oyo mosusu: “Kasi bango bakokende na oyo ya Seko.” Oyo wana ezali ndenge mosusu. Bomoni, Bomoi na Seko. *Ya Seko* euti na liloba oyo “Seko,” mpe Seko ezali na ebandeli to nsuka te. Ezali libela *mpe libela*. Sikawa wana esengelaki koyanola yango, bomoni, mpo soki botangi Makomi na bokebi mpenza, bokomona yango.

³³ “*Mpe bango bakokende na etumbu ya bileko na bileko, kasi bayengebene. . .*” Bato na nkanza bakokende na kati ya etumbu ya bileko na bileko, bakoza etumbu mpo na ntáká ya ntango; ntango mosusu mibu miliáre, nayebi te, kasi, na ntembe te, okozua etumbu mpo na masumu na yo. Kasi, kaka mpenza ndenge lisumu ezali na ebandeli, lisumu ezali na nsuka. Etumbu ezali na ebandeli, mpe etumbu ezali na nsuka. Mpe lifelo ekelamaki mpo na zabolo ná banje na ye. Bomoni? Malamu. Sikawa, nazali na motuna mosusu awa, mpo na kobakisa na eyano yango, nsima na miníti moke, ezali motuna kitoko, ekangami na yango.

Sikawa, kasi baoyo awa: “**Kasi bana na bokonzi bakobwakama libanda na kati ya molili,**” yango ezali **nde ndenge moko na kobwaka bango libanda na makanisi ya Nzambe?**

³⁴ Te, ekoki kozala ndenge moko te. Sikawa, ozolobela Elambo ya Libala. Sikawa, “Mpe bana ya bokonzi,” ndenge etunami awa. Bana ya bokonzi ezali Bayuda, mpe babwakamaki na molili ya libanda. Mpe bango—bango babwakámaki na molili ya libanda, mpe balekaki na ntango ya kolela, konguluma mpe kolia mino. Babwakamaki na molili ya libanda mpo elingaki kopesa yo ná ngai esika ya kobongola motema, kasi batikálá te kobwakama libanda na makanisi ya Nzambe. Akobosana Yisraele ata moke te. Mpe Yisraele, ndenge motángi nyonso

ya Biblia ayebi, babengami “bana ya bokonzi.” Bomoni, ezali bokonzi, elaka. Na elobeli mosusu, Nzambe asalaki na ekólo, ntango Asalaki na Yisraele, elingi koloba bana ya bokonzi.

³⁵ Sikawa, bómikanisela, Alobaki kuna: “Abraham mpe Yisaka mpe Yakobo,” na esika moko boye, “bakoya kofanda na bokonzi na ntango ya nsuka.” Bomoni, mpe ete Abraham, Yisaka mpe Yakobo bakozala kati na bokonzi; bazalaki, bazalaki bato ya bokonzi ya bapambolami. Kasi bana na bokonzi bakobwakama na molili ya libanda.

³⁶ Sikawa, na eteni oyo balobeli awa, balobeli—balobeli Mobali na Libala. Ntango Mobali-na-libala ayaki, wana bango bazalaki... Baseka mitano babimaki mpo na kokutana na Nkolo, kasi—kasi batiaki mafuta na mwinda na bango te. Mpe mi—mitano mosusu batiaki mafuta na mwinda na bango. Sikoyo, soko botali malamau, ezali elili kitoko, ya Bayuda mpe Mabota na mbala moko, lokola baboyami. Bóbosana te ete bitonga ya bato ezalaka ntango nyonso misato: Bayuda, Mabota (lolenge ya libanda), . . . ; Bayuda, Mabota mpe Lingomba. Soko obulunganisi bango, na ntembe te, okokota na mobulungano ntango okokóma na Emoniseli. Mpo, soki te . . .

³⁷ Ndenge M. Bohanon alobaki na ngai mokolo moko, alobaki: “Billy, moto nyonso oyo akomeka kotanga Emoniseli akolota bandoto ya nsomo. Ee,” alobaki, “Mwasi na libala moko ye oyo, awa na mabelé, mpe—mpe dalagona azali kobwaka mai na monoko na ye mpo na kobundisa Ye.” Mpe alobaki: “Bongo na ntango yango moko wana Mwasi na Libala azali wana, lokola ba-nkoto mokama na ntuku minei na minei” (malakisi na ba-Témoin de Jéhovah) “likoló na Ngomba Sinai. Mpe na ntango yango moko Mwasi-na-Libala azali na Lola.” Te, te, boza na libunga.

³⁸ Bitonga ya bato ezali misato. Bomoni, ezali, Bayuda oyo baboyami, mpe ezali na moseka oyo alali mpongi, oyo mai . . . Ezali Momboto ya mwasi te, ezali litíká ya Momboto ya mwasi nde dalagona abwakelaki mai uta na monoko na ye . . . Emoniseli 11. Na bongo, na bosolo, Bayuda nkoto mokama na ntuku minei na minei bazalaki ata moke te Mwasi na libala, bazali litíká ya lingomba ya Bayuda. Mpe malakisi na ba-Témoin de Jehovah nde etiaka bango lokola Mwasi na Libala, ngai namoni te ndenge nini ekoki kosalema, mpamba te, ezali Mwasi na libala te.

³⁹ Soko botali malamau kuna na Emoniseli, Elobi: “Mpe bazali baseka.” Mpe bazali mikube. Mpe mokube azalaki nini? Bazalaki . . . Mikube bazalaki babateli ya tempelo oyo bazalaki kobatela mwasi ya mokonzi, mpamba te bazalaki . . . mpamb- . . . bazalaki mibali oyo balongolamaki makoki ya kopesa zemi. Bazalaki na . . . Bomonaki, alobaki: “Bamiyeisaki mbindo na basi te”? Bazalaki mikube ya tempelo. Mpe ezalaki motángo moko mophonami oyo Nzambe azuaki kati na baponami ya

Bayuda. Sikawa, soko botali malamu. . . Soko tokokaki kozua yango mwa moke, mpo ékoka, tóloba, kokata likambo na makanisi na bino, mpe bokoki mpenza. . .

⁴⁰ Tózua Emoniseli, mokapo ya 7, mpe tokomona awa sikoyo, epai wapi. . . nini Yango elobi. Ezali eloko moko kitoko:

Mpe nsima na likambo oyo. . . namonaki banje minei batelemi na nsuka yonso minei ya mokili, . . . (sikawa, oyo ekokani na Ezekiele 9, esika amonaki kobebisama ya Bayuda. Mpe awa amoni kobebisama ya Mabota, Emoniseli, mokapo ya 7) . . . *Mpe namonaki banje minei batelemi na nsuka yonso minei ya mokili, kosimba mipepe minei (mipepe elingi koloba “etumba mpe koswana”) . . . na ntina ete mopepe épepa likoló na mokili te, soko na mbu te, . . . to na nzete moko te. (ezali etumba, “kosimba”)*

⁴¹ Oh, soko tózalaka na ntango ya kokota na bozindo ya motuna oyo. Yango esalemaki. . . Wana nde esika oyo Russell akotaki mobulu. Russell asakolaki, ntango amonaki likambo oyo koya. Asakolaki ete “ekozala Boyei na Nkolo Yesu,” kozanga koyeba ete yango ezalaki ko—kotياما elembo ya Lingomba. Bomoni?

⁴² Mpe bamitunaka ndenge nini etumba ya mokili mobimba. . . Etumba ya Liboso ya Mokili mobimba. Bótala, esilaki na sanza ya Zomi na moko, na ngonga ya zomi na moko na moi; sanza ya zomi na moko, mokolo ya zomi na moko, mpe ngonga ya zomi na moko. Mpe, mbala moko nsima na yango, libatisi na mai na Nkombo na Yesu emonisamaki, mpe Libatisi ya Molimo Mosanto na Lingomba. Mpenza-mpenza, bobele nsima na yango.

⁴³ Soko bomemi yango na Emoniseli, tokokanisaki Yango elongo, Eleko ya Filadelfi ná oyo ya Laodikia. Mpe ba-Methodiste bazuaki Eleko ya Filadelefi, bolingo na bandeko. Mpe eleko ya nsuka, eleko ya lingomba, ezalaki Eleko ya Laodikia, oyo ezalaki eleko ya móto te mpio te. Mpe kuna Alobaki: “Nasili kotia ekuke (ekuke ya polele) liboso na yo.” Ekuke ya polele! Mpe soko bozongi na Makomi yango, ekosangisa Nsango mobimba na kati ya esika moko koma, mpo na kotalisa bino bongo mpenza.

⁴⁴ Bótala malamu! Makambo nyonso ezalaki Tata, Mwana, Molimo Mosanto, na libatisi, (oyo tosendeli kokota kati na yango na mbala moko) ezalaki mpenza endimeli ya Katoliko, kasi malakisi ya Boklisto ata moke te. Te, misie. Ngai. . . Tozali na yango awa, na mpokwa oyo, kokóma na likambo yango; ná lexique mpe. Bomoni? Iyo, misie, ná histoire mpe. Ata moto moko te atikálá kobatisama ndenge wana na Biblia, to na mibu nkama motoba ya liboso nsima na Biblia. Mpe nakoki kotalisa yango polele awa na malakisi ya ba-Katoliko bango moko, ete bango nde babandaki yango, mpe ya komwangisa mpe kosopela mai.

⁴⁵ Eutaki kuna, ekotaki na lingomba ya Wesley, mpe na lingomba Methodiste, Ba-Methodiste bamemaki yango epai ya ba-

Batiste, ba-Batiste bamemaki yango mosika, mpe ezali malakisi ya lokuta kino lelo! Mpe nakoki kozonga na Biblia mpe kotalisa bino polele ete Biblia elobi ete “ozali na nkombo ete ozali na bomoi, kasi osili kokufa.” Ezali mpenza ya solo. Mpe bazalaki na . . .

46 Nakoki kotalisa polele ete Biblia elakisi ete balingaki kosalela Nkombo na Ye na libatisi kino na eleko ya molili, kokokana na—na eleko ya minei . . . ya ele—eleko ya lingomba, Eleko ya Lingomba ya Pelegamo. Mpe Ye alobaki, na kati ya mibu nkóto na nkama mitano wana ya bileko ya molili, na moko na moko, alobaki: “Otikali na pole moke, mpo owánganaki Nkombo na Ngai te.”

47 Ntango eleko mosusu eyaki, eleko ya Katoliko, Alobaki: “Ozali na nkombo moko, ete ozali na ‘bomoi,’ kasi osili kokufa! Mpe owangani Nkombo na Ngai.” Yango mpenza. Bomoni? Nyonso wana elongo, esali liboke moko ya monene mpe kitoko, Biblia mobimba.

48 Sikoyo bótala likambo oyo:

. . . *kosimba mipepe minei . . .*

Mpe namonaki mwanje mosusu, konetwa uta na Likoló, ajalaki na elembo ya Nzambe na bomoi: . . . (Elembo)

49 Sikawa, elembo ya Nzambe na bomoi ezali nini? Sikawa, bino bandeko ya lingomba Adventiste bokoloba: “Bótosa mokolo ya sabata.” Nalingi ete bólakisa ngai yango na Likomi. Ezali kuna te. Esika moko te elobaki yango . . . ezali—ezali elembo . . .

50 Soki botáangi Baefese 4:30, noki-noki, bokomona oyo Elembo ya Nzambe na bomoi ezali. Baefese 4:30 elobi: “Bóyokisa Molimo Mosanto ya Nzambe mawa te, oyo botiami elembo na nzela na yango, kino mokolo ya lisiko na bino.” Ezali te kino na kolamuka oyo ekolanda, kasi bozui kobatelama ya Seko (uhuh). “Boyokisa Molimo Mosanto ya Nzambe mawa te, oyo botiami elembo na nzela na yango, kino mokolo ya lisiko na bino.” Bótala soko Baefese 4:30 elobi bongo te, na nsima bózua maye makomami na mopanzi mpe bótánga Makomi nyonso oyo etikali, mpe bokomona. Sikawa: “Botiami elembo kino mokolo ya lisiko na bino. Azalaki na elembo ya Nzambe na bomoi.”

51 Sikawa, bomikanisela, Molimo Mosanto elakisamaki te lokola Libatisi ya Molimo Mosanto kino nsima na Etumba ya I ya Mokili mobimba. Touti kokundola yubile ya wolo na—na biso, mibu ntuku minei, to mobu ya ntuku minei ya yubile.

. . . mpe agangaki na mongongo makasi epai na banje yango minei, baoyo bapesamaki kobebisa mabele to mbu,

Alobaki ete, Bebisa mabele, na mbu te, to nzete moko te, kino ekosila biso kotia elembo na baombo . . .

(sikawa ozokóma na motuna na yo, “bana,” bomoni) . . .
baombo na Njambe na biso na elongi na bango. (bósala mabe te, bóbebisa mokili te, bótika te bombe atomique épasuka awa, bósala likambo yango mobimba te, kino ete *baombo* ya Nzambe na biso bátiama elembo)

52 Sikawa, soko tokokaki komema yango kuna mpe kozonga nsima kuna, ndenge ete—ete ata na *Nsuka ya Etumba ya Mokili Mobimba*, na eteni ya mibale, ntango Général Allenby azalaki kobunda kino akómaki na ndelo ya Yelusaleme, mpe atindaki télégramme epai ya Mokonzi ya Engleterre, mpe alobaki: “Nalingi kobeta masasi likoló na engumba te, mpo na bosantu na yango.” Alobaki: “Násala nini?”

53 Alobaki: “Bondela.”

54 Mpe apumbwaki lisusu likoló na yango, ntango basalaki bongo, balobaki: “Allenby azali koya.” Mpe Bamizilmá bazalaki kuna, bakanisaki ete alobaki: “Allah azali koya.” Mpe batombolaki bendele ya mpembe mpe bamipesaki, mpe Allenby akotaki na kati ya Yelusaleme mpe azuaki yango kozanga kobeta ata lisasi moko, kokokana na masakoli, ya solo, mpe azongisaki yango epai ya Bayuda.

55 Bongo batelemisaki Hitler moko mpo konyokola Bayuda, na mokili mobimba, mpe azongisaki bango kuna na makasi.

56 Mpe Biblia elobaki ete Ye “akozongisa bango na mapapu ya mpongo.” Mpe ntango babandaki kozonga . . . Magazine *Life* mpe bamosusu bakomaki yango, eleki mwa bamposo, ete bazongisaki bango nkoto na nkoto, na Yelusaleme, mpe bazalaki komema bampaka na mokongo. Batunaki bango mituna. Nazali na nyonso wana na bobine, na film. Mpe alobaki . . . Bendele ya Dawidi ya minzoto minei etelemaki wana, kotepa-tepa; bendele ya kala koleka na mokili, etombwamaki lisusu mbala ya liboso, nsima na mibu nkóto mibale.

57 Yesu alobaki: “Ntango mosuké ekobanda kobimisa nkásá na yango, ekeke yango ekoleka te.”

58 Mpe bazalaki komema bampaka wana kuna, mpe batunaki bango: “Nini? Bozali kozonga mpo bókufa na mabelé na bino?”

59 Balobaki: “Te, toyei nde mpo na komona Masiya.”

60 Mpe, ndeko, yoka, tokómi na ekuke! Baombo bango wana, baoyo bazali kozela kuna. Ezali te Bayuda oyo bakoki koyiba yo mino na yo ya lokuta, soko bakoki kosala yango, oyo wana azali Moyuda oyo Ye azali kolobela te. Kasi ezali baoyo kuna, oyo batosaki mi—mibeko mpe nyonso wana, oyo batikálá koyeba kutu te ete Masiya moko azalaki.

61 Mpe Ndeko . . . na Stokholm, Ndeko Petrus, atindelaki bango Kondimana na Sika milió mobimba, mpe ntango bazuaki yango, bazalaki kotánga yango. Balobaki: “Ee, soko oyo nde Masiya, tómona ye kotalisa elembo ya mosakoli, mpe tokondima ye.”

⁶² Ezali mpenza esika malamau mingi mpo na lotómo na ngai! Natikalaki na ngonga mibale mpo na kokóma na bikuke ya Yelusaleme, kokóta kuna, nazalaki na Caire, na Ejipito. Nazalaki kotambola kuna, mpe Molimo Mosanto alobaki: “Kokende sikawa te.”

⁶³ Namilobelaki: “Nazalaki kaka kobanza. Tiké na ngai esili kosombama, nazokende kuna. Moto yango azali kuna, azali kozela ngai, etónga mobimba, biteyelo mpe bongo na bongo.”

⁶⁴ Nakendeki mwa mosika, mpe Molimo alobaki: “Kokende te! Kokende na yo te.”

⁶⁵ Nazongaki epai ya moteki tiké, nalobaki: “Nazongisi tiké oyo. Nalingi kokende na Athènes, na Grèce, na Aréopage.

⁶⁶ Mpe alobaki: “Ee, tiké na yo ezali mpo na Yelusaleme, misie.”

⁶⁷ Nalobaki: “Ngai nalingi kokende na Athènes, na esika ya kokende na Yelusaleme.” Molimo Mosanto azali kozela, ntango yango ekoki naino te. Ezali mpenza ngonga oyo esengeli te.

⁶⁸ Bótala malamau:

...kotia elembo na elongi ya baombo ya Nzambe na biso,

Alobaki, Bobebisa mabelé te, ...kino ekosila biso... kotia elembo na elongi ya baombo ya Njambe na biso. (moto nyonso ayebi ete wana ezali Elembo ya Molimo Mosanto; bótala malamau)

Mpe nayokaki motuya na bango oyo batiamaki elembo: ... (sikawa, soko bazali Bayuda te, bótala malamau oyo) ... mpe batiamaki elembo, nkóto mokama na ntuku minei na minei kati na mabota yonso ya bana na Yisalaele. (moto na Mabota moko te kati na bango. Oyo wana ezali na ntango ya nsuka)

⁶⁹ Bótala malamau! Libota ya Yuda, nkóto zomi na mibale; libota ya Lubeni, nkóto zomi na mibale; mpe bongo na bongo, Gade, nkóto zomi na mibale; Nafatali, mpe—mpe—mpe bongo na bongo kokita kino na Asele, mpe—mpe Jebuluna, mpe mabota nyonso oyo zomi na mibale ya Yisraele. Mpe zomi na mibale mbala zomi na mibale epesi boni? Nkóto mokama na ntuku minei na minei. Wana nde ba-nkoto mokama na ntuku minei na minei yango, Bayuda! Bato ya Mabota te, Bayuda! Etali Mwasi-na-libala na eloko moko te. Boye, ba-Temoïn de Jehovah bazali na libunga na malakisi na bango. Biblia elobi polele ete bazali “Bayuda,” kasi bato ya Mabota te. Bazali basali na Nzambe, mpe bato ya Mabota batángamaka lokola basali ata moke te. Bisotozali bana mibali mpe bana basi, basali te.

⁷⁰ Sikawa bótanga Oyo etikali. Lokola mobali oyo azalaki kolia mbuma ya pastèque, alobaki: “Ezali malamau, kasi tólia yango lisusu mwa moke koleka.” Malamau, Nzambe azali na Yango

mingi awa. Sikawa, bótala. Sikawa, sikawa tokómi na molongo ya 8:

Mpe ya libota na Jebuluna. . . elembo nkoto zomi na mibale. Mabota nyonso ya Yosefe, nkóto zomi na mibale batiamaki elembo. Na libota ya Benyamina, nkóto zomi na mibale batiamaki elembo.

⁷¹ Bomoni, Yoane, lokola Moyuda, ayebaki bango nyonso, amonaki mabota zomi na mibale ya Yisraele; nkóto zomi na mibale na libota moko na moko, zomi na mibale mbala zomi na mibale epesi nkóto mokama na ntuku minei na minei. Bango wana, Lingomba te, Bayuda. Biblia elobi awa, bango nyonso bazalaki “bana ya Yisraele,” libota moko na moko etangamaki na nkombo.

⁷² Sikawa bótala malamau, molongo ya 9:

Nsima na makambo oyo (sikawa Mwasi-na-libala ye oyo). . .

Nsima na makambo oyo natalaki, . . . tala, ebele monene, oyo moto te akokaki kotanga motuya na bango, . . .

⁷³ Bango nde mikube ya tempelo, bazali bobele nkóto mokama na ntuku minei na minei, mwa litoró ya moke, bobele mwa babateli ya tempelo oyo bakozala elongo ná Mwasi na Libala; bazali bobele ya Ye—babateli na Ye. Bango nde nkóto mokama na ntuku minei na minei, bazali babateli mpo na Mwasi na Libala; mikube ya tempelo.

⁷⁴ Bótala malamau! Solo mpenza, nayebi ete bozongi awa na mokapo ya 14, mpe bolobi: “Ee, bazali elongo na Mwasi na libala na bisika nyonso bango. . .” Ya solo mpenza! Mikube bazalaki kotambola elongo ná mwasi ya mokonzi na bisika nyonso azalaki kokende. Ya solo! Kasi bazalaki banani? Bazalaki eloko mosusu te bobele balandi, mpe yango mpenza nde oyo Makomi elobi awa.

⁷⁵ Bótala:

Mpe nsima na makambo oyo. . . mpe, tala, ebele monene, oyo moto te akokaki kotanga motuya na bango, na bikolo, . . . mikili, . . . mabota, mpe minoko nyonso, . . . (oyo wana nde Mwasi na Libala ya Mabota, malamau) . . . batelemi . . . liboso na Mwana-mpate, (oyo wana nde Mobikisi na bango, Mwana-mpate, mobeko te; Mwana-mpate, Ngolu) . . . balati bilamba mpembe, . . . (bótala, na miniti moke, bokomona soko bilamba mpembe ezali boyengebene na basanto te) . . . mpe mandalala na loboko;

Mpe bagángaki na mongongo makasi, . . . (soki oyo ezali kolamuka ya ba-Pantekotiste te, nayoká naino bango te) . . . balobaki, Lobiko na Njambe na biso oyo afandi na kiti na bokonji, mpe na Mwana-mpate.

Mpe banje nyonso oyo batelemaki zinga-zinga na kiti na bokonji, mpe mpembeni na mikóló mpe nyama minei, . . . bakweaki likóló na . . . na bilongi na bango, liboso na kiti ya bokonzi, mpe basambelaki Njambe,

Koloba, Amen: Mapamboli, . . . nkembo, . . . bwanya, . . . matondi, . . . lokumu, . . . makasi, nguya, ézala epai ya Njambe na biso libela na libela. Amen.

76 Eyokani lokola ntango ya mayangani na molako, boye te? Ekozala bongo! Ezalaki banani? Nkoto mokama na ntuku minei na minei? Ata moke te! Motango monene wana, oyo moto te. . . ya mikili, minoko, mpe bikóló nyonso. Ozali komona te, moninga na ngai molingami?

77 Sikawa bótala malamau, botanga Yango. Sikawa:

Mpe moko na ba-mpaka yango azongisaki monoko, alobaki na ngai ete: Baoyo bajali banani mpe. . . baoyo balati bilamba mpembe? mpe bauti wapi?

78 Mpaka alobaki na Yoane, oyo azalaki Moyuda, oyo ayebaki nkóto mokama na ntuku minei na minei, alobaki: “Sikawa, oyebaki bango, bango nyonso bazali Bayuda. Kasi baoyo bazali banani? Bauti wapi?” Bomoni oyo mpaka alobaki? “Moko na ba-mpaka azongisaki monoko,” (oyo wana ezali mibange, liboso na Kiti-na-bokonzi) “azongiselaki ngai monoko, alobaki: ‘Baoyo balati bilamba mpembe bazali banani? Mpe bauti wapi? Sikawa, biso nyonso toyebi ete Bayuda mpe kondimana na bango mpe bongo na bongo, kasi baoyo bayaki ntango nini?’” Sikawa bótala malamau:

Mpe nalobaki na ye, Nkolo, oyebi. (“Ngai na—na—nayebe te,” Yoane alobaki, “elekeli ngai. Nayebi te.”) *Mpe alobaki na ngai, Bazali bango baoyo bauti na minyoko monene,* (“Nasili koleka na yango na mimekano mpe makama mingi oyo, misala ya mpasi mpe mitambo.” Bomoni?) . . . baoyo bauti na minyoko minene, mpe basukoli bilamba na bango, . . . (na lingomba? Eyokani nde malamau?) . . . basukoli bilamba na bango, mpe bayeisi yango mpembe na makila ya Mwana-mpate.

. . . bango bazali liboso na kiti na bokonji na Njambe, mpe bazali kosalela Ye moi na butu. . . (nani asalelaka ngai na ndako na ngai? Mwasi na ngai. Boye te?) . . . mpe kati na tempelo na Ye: . . . (ye oyo atikalaka elongo ná ngai na ndako na ngai mpe na nkita na ngai, ezali mwasi na ngai. Ye nde afandaka elongo ná ngai, asukolaka bilamba na ngai, mpe alengelaka biloko mpo na ngai) . . . mpe ye oyo afandi na kiti ya bokonji, akoumela kati na bango. (Oh, la la, bóyoka!)

Mpe bakoyoka njala lisusu te, . . . (emonani lokola ete bazangaki bilei mpo na mwa ntango) . . . bakoyoka mpe

mposa ya mai te; soko moi mpe ekobeta bango lisusu te, moto makasi mpe te.

Mpo Mwana-mpate oyo ajali kati na kiti na bokonji, akoleisa bango, mpe akokamba bango na liziba ya mai na bomoi: mpe Njambe akopangwisa . . . mpisoli nyonso na liso na bango. (tala Ye wana, Mwasi na libala ye wana)

⁷⁹ Bango nde nkoto mokama na ntuku minei na minei, bango nde basali yango. Boye, “bana na Bokonzi” awa, molingami oyo atunaki motuna oyo, ezali . . . oyo atunaki motuna ya litomba oyo. Nabanzi natikaki yango awa, na kati ya . . . na esika moko boye, kasi “ntango bakobwakama libanda,” elingi koloba te ete bakobwakama libanda na makanisi ya Nzambe. Babwakami libanda na mbano ya molimo mpo na eleko moko. Bomoni, bobele mpo na mwa eleko.

⁸⁰ Mpamba te, ntango mosakoli amonaki Yisraele kati na eleko oyo ezalkai koya, alobaki: “Ee, ekozala ndenge nini mpo na Yisraele, ntango Sabata ekolongolama, mpe—mpe bakoteka na Sabata lokola na mikolo nyonso, mpe nyonso wana?” Alobaki: “Ee, Oko—Okotikaláká . . . Yisraele akobosanama na mobimba mpenza?”

⁸¹ Alobaki, “Likoló ezali na likoló boni? Mabelé ezali na bozindo nini? Meka yango na lingenda oyo ezali liboso na yo.”

Alobaki: “Nakokoka te!”

⁸² Alobaki: “Ngai mpe Nakoki ata moke te kobosana Yisraele.” Ata moke te! Yisraele akobosanama ata moke te.

⁸³ Boye, bomoni, *bileko na bileko* mpe *Ya Seko* ezali makambo mibale ekeseni. Yisraele abwakamaki libanda, kasi libanda na makanisi ya Nzambe te. Mpe Paulo alobi yango awa, soko nazalaki na . . . nazalaki na ntango ya koyekola, mpo názua Likomi yango noki-noki ete . . . nákoka kopesa bino biteni yango, bomoni, oyo eyeli ngai na likanisi.

⁸⁴ Paulo azali koloba kuna, alobaki ete biso, bato ya Mabota, tosengeli kokeba, na etamboli mpe na misala na biso. Bomoni? Mpo soko Nzambe atiaki mpembeni etape ya liboso te, bomoni, nzokande biso tobakisami bobele kobakisama, bomoni, . . . Mpe Yisraele abomamaki miso mpo na ntango moko, ndenge alobaki. Bobele mpo na ntango moko, Yisraele abomamaki miso. Ya solo, kasi ezipelo ekolongolama na miso na bango. Ezali na ntango wana nde moto ya Mabota ya nsuka akobotama na Bokonzi na Nzambe, bongo nde ezipelo na bango ekolongolama na miso ya Yisraele. Mpe bakoloba: “Oyo azali Masiya Oyo tozalaki kozela komona.” Ya solo, kasi ekuke ya Mabota ekangami (masuwa e—ekangami), ngolu ezali lisusu te—lisusu te mpo na Mabota na ntango wana.

⁸⁵ Sikawa, nazali kozua ntango mingi na motuna moko. Mpe moto moko akoloba: “Sikawa okomi na oyo ya ngai te.” Ee, tokosala noki mpo tótala soki tokoki kokóma wana.

⁸⁶ Malamu, motuna oyo e—ezali molai. Mpe eteni na yango moko moko, oyo mwasi yango atuni to oyo mobali yango atuni, to nani, ezali malamau.

53. Ezali solo te ete Nkolo Yesu akufaki mpo na mokili mobimba te, elingi koloba moto nyonso na mokili, kasi kutu nde . . . (sikawa, nakolimbola yango, kasi mwasi . . . mobali to mwasi yango, ézala nani . . . Emonani lokola ekomela ya mwasi) . . . **kasi kutu nde mpo na baoyo—kutu nde mpo na baoyo, na bituka nyonso ya mokili, baoyo Tata apesaki Ye mpenza? Baoyo, liboso na bozalisi ya mokili, Nzambe abongisaki bango mpenza mpo na Bomoï na Seko, aponaki bango kokokana na mposa na Ye Moko?**

⁸⁷ Na ntembe te, ezali bongo! Ezali mpenza bongo. Yesu akufaki mpo na . . . kaka te mpo na . . . Azali na ntina.

⁸⁸ Tótala, nabanzi ete . . . na—nabanzi ete batángaki . . . motuna moko ezali na ntina na yango:

54. Na ntembe te, Likomi eyebisi biso ete ezali baoyo bako—ezali baoyo bakobikisama te. Yango wana . . .

⁸⁹ Ezali mpenza bongo. Likomi eyebisi biso ete ezali na bato oyo babongisámá na Nzambe liboso mpo na kokweisama.

⁹⁰ Bokolinga kotángá yango, mpo ézala ntango nyonso libanda ya makanisi na bino? Malamu, tózua sasaipi Buku ya—ya Yuda, Yuda nde azali koloba awa.

Yuda, mosali na Yesu Klisto, ndeko ya Yakobo, epai na baoyo babulisami na Njambe Tata, mpe babatelami kati na Yesu Klisto, mpe babiangami:

⁹¹ Bomoni atindi Yango epai na banani? Na basumuki te, kaka na liyangani ya kopalanganisa Nsango-malamu te, kasi epai na baoyo babulisami mpe babiangami. Bomoni, baoyo basili kokota kati na Bokonzi.

Mawa, mpe kimia, mpe bolingo, eyikana mpo na bino.

Balingami, . . . ngai nazali na mposa monene ya kokomela bino mokanda na ntina na lobiko na biso mpe na bino, namoni ete ekoki na ngai kokomela bino, mpe mpo na kolendisa bino . . . bobunda na etingia mpo na kondima oyo epesamelaki na babulami, mbala moko mpo na libela.

Jambi bato mosusu basili kokota na nkuku kozanga bóyeba, baoyo bobongisamaki kala mpo na kokweisama oyo, . . . (ndenge nini?) . . . bakobalolaka ngolu na Njambe na biso kino bosoto, . . .

⁹² Babongisámá kala! Ezali te ete Nzambe afandaki na kiti ya bokonzi, bongo alobaki: “Nakobikisa moto *oyo*, Nakobungisa moto *oyo kuna*.” Ezalaki bongo te! Nzambe akufaki, mpe ntango Yesu akufaki, bolimbisi masumu ezipaki mokili mobimba mpo na moto nyonso. Kasi Nzambe, na boyebi-makambo-liboso... Ezali te ete Alingi... Alingi te ete moto moko ákufa. Ye alingaki ete bato nyonso babikisama. Yango nde ezalaki ya Ye—yango nde ezalaki mwango na Ye ya Seko. Kasi soko Azalaki Nzambe, Ayebaki nani alingaki kobikisama mpe nani alingaki kobikisama te. Soko Ayebaki yango te, na bongo Azalaki te Nzambe oyo azangi nsuka. Boye, Biblia nde elakisi bongo. Ete tokokaki...

⁹³ Soko tózalaka na ntango ya kofungola awa na Baroma, mokapo ya 8, bokokaki kotánga yango. Baroma, mokapo ya 9, bisika mosusu mingi na Biblia. Baefese, mokapo ya 1. Mpe bokoki komona ete kopona ya Nzambe, mpo ékoka kotelema ngwi, Nzambe apesaki kondimana yango kozanga mobeko. Atindaki Yesu kokufa mpo na baoyo Ye ayebaki liboso. Bomoni?

⁹⁴ Kaka te mpo na koloba: “Ee, olobi ete Nzambe ayebi te soki akobika to te?” Nzambe ayebaki ete olingaki kobikisama, to soko olingaki kobikisama to te, liboso ete mokili ébanda, soko te, Azalaki Nzambe te.

⁹⁵ Boyebi soko liloba oyo *kozanga nsuka* elingi koloba nini? Bótala...bóluka na dictionaire mpo bóyeba soko liloba oyo *kozanga nsuka* elingi koloba nini. Ee, Ayebaki nsili nyonso oyo elingaki kozala na mokili, nzinzi nyonso, nzinzi moke nyonso, mikróbe nyonso. Ayebaki yango liboso ete básalema, soko te, Azalaki Nzambe te. Ya solo mpenza, Ayebaki yango. Malamu.

⁹⁶ Bongo, na yango, Nzambe akokaki te—te koloba: “Nakozua *yo*, mpe kotinda yo na lifelo; mpe Nakozua *yo*, mpe kotinda yo na Lola.” Nzambe alingaki ete bino nyonso mibale bókende na Lola. Kasi na boyebi-makambo-liboso, Ayebaki ete moko alingaki kozala mobúbi, mpe oyo mosusu alingaki kozala moto malamu mpe Moklisto. Bomoni? Yango wana Asengelaki kotinda Yesu kokufa, mpo na kobikisa moto oyo Ayebaki liboso ete alingaki kobikisama. Bososoli yango?

Sikawa bótala awa:

Makomi eyebisi biso na ntembe te ete baoyo bazali baoyo bakobikisama te.

55. Yango wana soko bolimbisi masumu ezipaki libota mobimba... libota mobimba ya Adama, mpe ete bamosusu babungaki mpo bazangaki koyamba elaka, to nzela oyo ebongisamaki, elingaki te...nguy...nsomi...ako... ekozala makasi ya nguya mingi, koleka miango mpe bantina ya Seko ya Nzambe na Nguya-nyonso? Elingaki nde kozala...(Moto yango sikawa, na motuna oyo ya mibale, nde azali kotuna.) **Bonsomi ya kopona ya moto**

ekozala makasi ya nguya mingi, koleka miango mpe bantina ya Seko ya Nzambe na Nguya-nyonso, boye te?

⁹⁷ Te, ndeko na ngai ya mobali to ndeko ya mwasi. Soko moke te! Ezali na eloko moko te na nguya koleka. . . Mokano ya moto ekoki ata moke te kokokana na—na mwango ya Seko ya kosambisa ya Nzambe. Ekoki kosalema te, bomoni.

⁹⁸ Sikoyo, motuna na yo ya liboso ezalaki malamumu. Motuna na yo ya mibale ekoki kozala bongo te, moninga. Mpamba te bótala, bótala ndenge ekomami awa, bomoni: “Bonsomi ya kopona ya moto ekozala makasi ya nguya mingi, koleka miango mpe bantina ya Seko ya Nzambe na Nguya-nyonso, boye te?” Ee, soki moke te. Ndenge nini mokano ya moto ekoki kozala makasi ya nguya mingi, koleka mwango ya Nzambe na Nguya-nyonso? Mpe moto na ndenge na ye ya nzoto, ya kolinga eloko alingi, akozala nde na makasi mingi koleka Nzambe ya Seko, oyo abongi be? Soko moke te! Ekoki kosalema te, bomoni. Nzambe ya Seko, oyo mwango na Ye ebongi be, ndenge nini okoki koloba ete mo—moto na mosuni awa, ata soki azali sembo ndenge nini (mpe akoki na ye kozala), miango na ye ekoki ata moke te kokokana na oyo: mwa—mwango ya Nzambe ya Seko mpe na Nguya nyonso.

⁹⁹ [Ndeko mwasi moko asololi na Ndeko Branham—Mok.] Iyo. [“Limbisa ngai. Nalingaki bobele kotuna motuna moko, mpe—mpe ososolaki malamumu te oyo nalingaki koloba kuna.”] Iyo, malamumu, ndeko mwasi. [“Nandimaka bongo soki moke te, Nalingaki nde koloba ‘mwango ya Seko ya Nzambe ezali likoló na bosómi ya kopona ya moto.’”]

¹⁰⁰ Ya solo. Oh, ee, boye na—natangaki yango mabe, bomoni. Malamumu. Iyo, boye, oza mpenza na elonga, ndeko mwasi. Nayebaki te ete ezalaki mo—motuna na yo. Malamumu. Kasi, bomoni, ndenge nasosolaki yango awa, bomoni, . . . Sikawa nátala naino: “Ezipi libota mobimba ya Adama, mpe bamosusu babungaki mpo bango moko—bango moko bazangaki koyamba nzela oyo ebongisamaki, bonsomi ya kopona ya moto ekozala na nguya makasi mingi koleka miango mpe bantina ya Seko ya Nzambe na Nguya nyonso, boye te?” Bomoni, na—nalimbolaki likanisi na yo malamumu te, kuna. Iyo, mwango ya Seko ya Nzambe na Nguya-nyonso. Ee, yango ekati likambo.

¹⁰¹ Nabanzi ete moto nyonso asosoli yango. Soko bososoli, bótombola maboko. E—ezali mwango ya Seko ya Nzambe na Nguya-nyonso, na ntembe te, eleki—eleki na mosika, oyo moto akoki kosala.

Sikawa:

56. Nazali kososola te likambo ya libatisi na mai, na mokapo ya 28 ya . . . molongo ya 19, ya Matai. Elingi koloba nini?

¹⁰² Ee, sikawa, ntango mosusu ekozua ngai bobele miníti moko. Moto moko ázua elongo na ngai, soki olingi, Matai, mokapo ya 28, molongo ya 19. Tokomona mpenza oyo moto yango azali. . .

ntuku mibale na mitano. . . Sikawa, Ekopesa bino makasi soko bokangami kaka na Yango. Ezali—Ezali malamumu, bomoni. Ezali mpo na kopalanganisa Nsango-malamumu te, kasi Ezali. . .

¹⁰³ Sikawa toza. . . Sikawa, awa nde esika bato bamekaka koloba: “Kotelemelana ezali na Biblia.” Sikawa, nalingi ete moto moko ázua. . . ná Matai 28:19. To, te, nalingi ete moto moko. . . Matai 28:19. Nalingi ete moto moko ázua Misala 2:38. Ozali na Biblia na yo kuna, Ndeko Neville?

¹⁰⁴ Mpe nalingi ete bótánga mpo na bino moko sikawa. “Mpe nakolakisa bino kotelemelana moko ya monene na Biblia. Mpe oyo—oyo Biblia. . . Bato balobaka ete ‘Biblia emitelemelaka Yango moko te,’ Nalingi ete bózua yango na eyongi.”

¹⁰⁵ Mpe likambo yango epesaka nsuki ya mpembe na balakisi. Kasi E—Ezali petee. Sikawa nakotánga Matai 28:19, bino bólanda ngai. Mpe bamosusu kati na bino, baoyo bozali na Misala 2:38, bolengela yango. Nakobanda na molongo ya 18, oyo nde mokapo ya nsuka ya Matai:

Yesu ayaki mpe alobaki na ya ye bayeko- . . . alobaki na bango ete, Nguya nyonso esili kopesamela ngai na lola mpe na mokili. (wapi nguya ya Tata?)

¹⁰⁶ Soko nguya nyonso na Lola mpe na mokili epesami na Yesu, boye Nzambe azali lisusu na nguya te, boye te? To Abetaki kaka nde lisolo? Azalaki nde kosala liseki? Alingaki nde koloba Yango! Bondimi te ete Yango nde Alingaki koloba? Ee, soko nguya nyonso epesami na Ye, boye, wapi nguya ya Nzambe? Azalaki Nzambe! Ezali mpenza bongo. Nde likambo bobele moko Yango ezali. Nde nyonso wana ezalaki. Bomoni, Azalaki Nzambe; soko te, moto moko azalaki wana, oyo azalaki mpenza na mwa nguya moko boye, bongo azali na yango lisusu te. Bomoni? Boye bokoki te—bokoki te kobulunganisa Yango. Tokokóma na likambo yango moko awa. Malamumu:

. . . Nguya nyonso na Lola mpe na mokili ezali. . . na likoló mpe na mokili.

Boye bokende, . . . bolakisa bikolo nyonso, bobatisa bango na nkombo ya Tata, mpe ya Mwana, mpe ya Molimo Mosanto:

Bolakisa bango ete bátosa nyonso oyo esili ngai kolakela bino: . . . tala, nazali elongo na bino ntango nyonso, kino nsuka ya mokili.

¹⁰⁷ Misala 2:38, sikawa moto moko átánga. Bózela mwa miniti. Misala, mokapo ya 2, molongo ya 38. Sikawa, bóyoka na bokebi mpenza sikawa, bózala na motema molai, mpe tokotala sikawa. Sikawa, likambo oyo esalemaki mikolo zomi nsima na Yesu kosolola na bango na ntina na Matai 28:19, “Boye bókende kolakisa mabota nyonso, bobatisa bango na nkombo ya Tata, ya Mwana mpe ya Molimo Mosanto.”

¹⁰⁸ Sikawa, Petelo, mikolo zomi na nsima . . . Batikálá koteya liteya mosusu te. Bamataki na eteni ya ndako ya likoló ya Yelusaleme, mpe bazelaki kuna (mikolo zomi) mpo Molimo Mosanto éya. Bato boni bayebi yango? Na esika wana. Petelo ye oyo, Petelo nde azali na mafungola ya Bokonzi. Malamu, tokomona oyo akosala. Matai, to nalingi koloba Misala 2, tózua molongo ya 36:

Na bongo tika ete libota mobimba ya Yisalaele bayeba solo, ete Njambe azalisi ye Nkolo mpe Klisto, ye Yesu moko oyo bino . . . bobakisi ye na ekulusu.

“Nkolo mpe Klisto.” Kokamwa te, ete nguya nyonso na likoló mpe na mokili épesamelaki Ye.

Eyokoki bango bongo, bakatani na mitema, mpe balobi na Petelo mpe . . . bantomá mosusu ete, Mobali mpe bandeko, tosala nini?

Petelo ayanolaki . . . Petelo alobaki na bango ete, Bóbongola mitema, moko na moko na bino, mpe bóbatisama na nkombo na Yesu Klisto mpo na kolimbisama na masumu na bino, mpe bino bokojua likabo ya Molimo Mosanto.

¹⁰⁹ Sikawa, kotelemelana moko ezali, Matai alobaki: “Bóbátisa na Nkombo: Tata, Mwana, Molimo Mosanto,” mpe Petelo alobaki, na Misala 2:38, mikolo zomi na nsima: “Bóbongola mitema, mpe bóbatisama na Nkombo na Yesu Klisto.”

¹¹⁰ Na bongo mbala ya nsima, oyo balobelaki—balobelaki kobongola motema, to, libatisi, na Biblia, ezali na Misala mo—mokapo ya 8, ntango Filipo akendeki koteya epai ya . . . epai—epai ya Basamalia. Bazuaki Molimo Mosanto, mpe babatisamaki na Nkombo na Yesu Klisto.

¹¹¹ Mbala ya nsima oyo balobelaki yango, ezali ntango bato ya Mabota bazuaki Yango, Misala 10:49:

Mpe wana Petelo . . . ajalaki koloba maloba oyo, tala, Molimo Mosanto akitaki likoló na . . . bango . . . mpe bazalaki koyoka bango.

Mpo bajalaki koyoka bango koloba na minoko mosusu, mpe kokumisa Njambe. Bongo Petelo alobaki,

Moto akoki nde kopekisa mai, komona ete bango . . . bazui Molimo Mosanto lokolo biso na ebandeli?

Mpe apesaki bango motindo ete bábatisama na nkombo na Nkolo Yesu Klisto.

¹¹² Sikawa bótika názua eloko moko awa, kaka mpo na kolakisa bino eloko moko ya moke, mpo bóbosana yango te; nakotalisa yango na mwa ndakisa moko. Nakotia . . . Mabot- . . . bikólo ya mabota boni ezali na mokili? Ezali misato: Hama, Semi, mpe Yefete. Bato boni bayebi yango? Touíti na bana mibali misato

wana ya Noa. Bato ya Hama, bato ya Seme. . . Bato ya Yefete ezali ba-Anglo-Saxon, bato ya Seme ezali ba. . . Mabota misato yango, ezali: Bayuda, Mabota mpe ndambo Bayuda ná ndambo Mabota. Sikawa, bótala, ntango oyo wana. . . mpe *oyo* nde Hama. . . Seme, Hama, mpe Yefete.

113 Sikawa, mbala ya liboso oyo balolelaki libatisi, Yaone Mobatisi nde alobelaki yango. Boni bayebi yango ete ezali solo? Malamu, nakotia *yango* awa, na nsuka awa, Yoane Mobatisi. Mpe Yoane abatisaki bato na ebale Yaladene, atindaki bango ete bábongola motema mpe bákoma alima ná Nzambe, báteka biloko na bango, baleisa babola, basoda básepela na lifuti na bango, mpe bákóma alima ná Nzambe. Bato boni bayebi yango? Abatisaki bango na ebale ya Yaladene, amwangiselaki bango mai te, asopelaki bango mai te, kasi azindisaki bango na mai! Soki ondimi Yango te, lexique yango oyo, luka soko ezali *baptizo* te, oyo elingi koloba “kobatisa, kozindisa, kotia na nsé, kokunda.” Sikawa, mbala ya liboso oyo balobeli libatisi, ezalaki nde wana.

114 Mbala ya mibale oyo batikálá kolobela libatisi, Yesu nde apesaki etinda yango, Matai 28:19.

115 Mbala ya nsima oyo balobelaki libatisi, ezali Misala 2:38.

116 Mbala ya nsima oyo balobelaki libatisi, ezali na mokapo ya 8 ya Misala.

117 Mbala ya nsima oyo balobelaki libatisi, ezali na—na mokapo ya 10 ya Misala.

118 Na bongo, tobandi na mbala oyo Yesu alobaki, awa: “Bókende kolakisa mabota nyonso, bóbatisa bango na Nkombo na Tata, na Mwana, mpe na Molimo Mosanto.”

119 Sikawa, tósembola naino Likomi oyo, liboso. Nayebisaki na bino ete “ata Likomi moko te na Biblia etelemeli mosusu.” Nalingi ete bomemela ngai yango. Nasengá yango ekokisi mibu ntuku mibale na motoba, kasi namoni yango naino te. Ata Likomi moko te etelemel-. . . Soko Etelemeli Yango, na bongo ezali eloko oyo bato bakomá. Te, misie, kotelemelana moko te ezali na Biblia!

120 Sikawa, mpo na yango, bolobi: “Olobi nini mpo na *yango*?”

121 Yesu ye oyo, alobi: “Boye bókende kozalisa bayekoli na mabota nyonso, kobatisa bango na Nkombo na Tata, Mwana, Molimo Mosanto.”

122 Na mbala moko, Petelo abaluki, mpe alobi: “Bóbongola mitema, moko na moko na bino, mpe bóbatisama na Nkombo na Yesu Klisto.”

123 “Kotelemelana nde yango wana nde.” Emonani lokola. Sikawa, soko ozotángá na makanisi ya mosuni, kasi ofungoli motema te, ekozala kotelemelana.

¹²⁴ Kasi soko otangi yango na makanisi ya kofungwama: “Molimo Mosanto abombi yango na miso ya bato na bwanya mpe ya mayele,” Yesu nde alobaki bongo, mpe atondaki Nzambe mpo na yango, “mpe amonisi Yango epai na bana mike oyo balingi koyekola.” Soko ozali na makanisi, makanisi ya moyimi te, kasi motema ya koyekola, Molimo Mosanto akolakisa yo makambo yango.

¹²⁵ Sikawa soko ekokani te. . . Olobi: “Oyebi ndenge nini ete oza na elonga?” Ee, ekokani na Makomi nyonso oyo etikali. Soki te, ozui kotelemelana monene awa.

¹²⁶ Sikawa nalingi kotuna bino motuna moko. Oyo ezali mokapo ya nsuka ya Matai. Nakotalisa yango na lolenge moko ya petee, mpo moko na moko na bino. . . bana mike básosola Yango.

¹²⁷ Ndakisa, soki otángi lisolo moko ya bolingo, mpe na nsuka na yango elobi: “Mpe Maria ná Yoane babikaki na esengo nsima na yango.” Ee, okomituna soki Yoane ná Maria, oyo babikaki na esengo nsima na yango, bazalaki banani. Sikawa, soki olingi koyeba Yoane ná Malia bazali banani, ekozala malamú ózóngá na ebandeli ya buku yango mpo ómona oyo Yoane ná Maria bazali. Na nsima okozonga awa mpo ómona oyo Malia azalaki, mpe libota oyo autaki; mpe oyo Yoane azalaki, mpe libota oyo autaki, mpe oyo nkombo na ye ezalaki, mpe ndenge babalanaki, mpe nyonso wana. Boye te?

¹²⁸ Ee, ezali ndenge moko na kotángáká Biblia, awa. Ntango. . . Bótala, Yesu alobaki te: “Bókende kobatisa bato na nkombo ya Tata, na nkombo ya Mwana, na nkombo ya Molimo Mosanto,” ndenge bato ya bosato bosantu babatisaka. Ata Likomi moko te na Biblia elobi bongo. Atikálá koloba te: “Na bankombo (b-a-n-k-o-m-b-o), bankombo” ya Tata, Mwana mpe Molimo Mosanto.

¹²⁹ Alobaki nde: “Na (n-k-o-m-b-o) nkombo,” moko. Tala Biblia na yo, kuna, mpo ómona soko ezali bongo, Matai 28: “Na *Nkombo*.”

¹³⁰ Ezali te “na nkombo ya Tata, na nkombo ya Mwana, . . .” ndenge wana nde motei ya banzambe misato abatisaka. “Na nkombo ya Tata, na nkombo ya Mwana, mpe na nkombo ya Molimo Mosanto.” Ezali kutu na Biblia te.

¹³¹ “Boye, na nkombo. . .” Olobi: “Ee, boye, na nkombo ya ‘Tata, Mwana mpe Molimo Mosanto.’” Na bongo, Nkombo moko ezali kuna.

¹³² Ee, *tata* ezali nkombo? Bato boni bayebi ete *tata* ezali nkombo te? *Tata* ezali ebiangeli. *Mwana* ezali nkombo te. Bato boni bayebi ete *mwana* ezali nkombo te? Batata boni bazali awa? Bótombola maboko. Bana boni bazali awa? Bótombola maboko. Ee, nani kati na bino nkombo na ye “Mwana”? Nani kati na bino nkombo na te “Tata”? Malamú, *Molimo Mosanto* ezali nkombo te, *Molimo Mosanto* ezali oyo Yango ezali. Bato boni bazali awa? Bótombola maboko. Bomoni? Yango mpenza, Molimo Mosanto

ezali oyo Yango ezali. *Tata, Mwana mpe Molimo Mosanto*, moko te kati na yango ezali nkombo; nkombo ezali wana te.

¹³³ Ee, boye, soko Alobaki: “Bóbatisa na Nkombo ya Tata, Mwana mpe Molimo Mosanto,” ekozala malamau ete tózunga mpo tómona Nani Tata, Mwana mpe Molimo Mosanto ezali. Tozunga na mokapo ya 1 ya Matai kasi, mpo tómona Nani Moto yango azalaki, soki tosengeli kobatisa na Nkombo nini. Tóbanda sikawa na Matai, mokapo ya 1, molongo ya 18. Bótánga na bokebi, bino nyonso.

¹³⁴ Sikawa, yo oyo otunaki motuna yango, nalingi kopesa mwa ndakisa awa. Sikawa, nakotia biloko misato awa mpo bósosola yango malamau, (kotalisa na elilingi) ba-Biblia ná babuku oyo, mpo na kotalisa na elilingi.

¹³⁵ Malamau, nalingi ete bótala ngai na bokebi, mpe moto nyonso álanda ngai sikawa. Sikawa, *oyo* awa ezali Nzambe Tata. *Oyo* awa ezali Nzambe Mwana. *Oyo* awa ezali Nzambe Molimo Mosanto. Sasaipi, bato boni bazali kososola? Bóloba yango nsima na ngai. *Oyo awa* ezali nani? [Losambo balobi: “Molimo Mosanto.”—Mok.] Molimo Mosanto. *Oyo awa* ezali nani? [“Tata.”] *Oyo awa* ezali nani? [“Mwana.”] Sikawa, ndenge wana nde bandimi ya banzambe misato bandimaka yango, Bomoni, yango ekómisaka biso bapagano, ya mobesu mpenza.

¹³⁶ Moyuda; yango wana bokoki kosala eloko moko te ná Moyuda. Alobaki: “Bokoki kokata Nzambe na biteni misato te mpe bópesa Ye epai ya Moyuda.” Kasi, na ntembe te, epai na ngai mpe te. Bomoni? Te, misie. Azali Nzambe moko. Ezali mpenza bongo. Banzambe misato te. Sikawa bótala ndenge—ndenge—ndenge Ezali petee.

¹³⁷ Sikawa tokomona. Sikawa, nani azali. . . *Oyo* ezali Nani? Moto moko áloba sikawa. Nzambe Mwana. Ezali bongo? *Oyo* nde Mwana. Ee, boye, Tata na Ye azali Nzambe. Ezali bongo? Bato boni bandimi ete Tata na Ye azali Nzambe? Bótombola maboko. Bato boni bandimi ete Nzambe azali Tata na Yesu Klisto? Malamau.

Kobotama na Yesu Klisto ezalaki boye: . . .

¹³⁸ Sikawa tózunga komona Nani oyo Tata, Mwana mpe Molimo Mosanto azali, oyo Matai alobaki “bóbatisa na Nkombo na Ye.” Bomoni, Nkombo; bankombo te, sikawa, mpo ekoki kozala bankombo te, mpo nkombo moko ezali kuna te.

Sasaipi kobotama na Yesu Klisto ejalaki boye: Ntango. . . esili Malia, mama na ye, kobandama na Yosefe, liboso ete bázuana, azuamaki na zemi ya Nzambe Tata. (Biblia elobi bongo? Biblia elobi nini?) . . . azuamaki na zemi ya Molimo Mosanto.

¹³⁹ Bongo, nani kati na *bango* nde Tata na Ye? Sikawa, Biblia elobaki ete *oyo* nde Tata na Ye, mpe Yesu alobaki ete *oyo* nde

azalaki Tata na Ye. Sikawa, Oyo wapi nde Tata na Ye? Sikawa, soko Azalaki na batata mibale, sikawa toloba nini mpo na yango? Soko Azalaki na batata mibale, Azali mwana makango.

140 Sikawa tókoba naino kotánga mwa moke:

Na bongo Yosefe mobali na ye, lokola azalaki moto boyengebene, alingaki te koyokisa ye nsóni kati na bato, kasi akanaki kolongola ye na nkuku.

Kasi wana azalaki kobanzabanza makambo oyo, tala, mwanje na Nkolo amonani na ye na lilito, alobi na ye ete, Yosefe, mwana na Dawidi, banga te kokamata Maria mwasi na yo: zambi yango esili koya na ye euti na . . .
[Losambo balobi: “Molimo Mosanto”—Mok.]

141 Na *Nini?* Molimo Mosanto? Ee, ndenge nini Tata akoki kozala Tata na Ye, mpe Molimo Mosanto ázala Tata na Ye na mbala moko? Sikawa, na bongo, Azalaki na batata mibale, soko ezali solo. Te, misie! Molimo Mosanto AZALI Nzambe. Molimo Mosanto AZALI NZAMBE. Boye Nzambe mpe Molimo Mosanto bazali bobele Moto moko, to Ye azalaki na batata mibale.

142 Bomoni, tomoni oyo *Yoane ná Maria* bazali, nsima na mwa ntango. Malamu, tomoni soko Petelo na Matai bazalaki komeka kotelemelana to te, bótala soko Makomi etelemelanaka. Ezali kozanga lisosoli ya molimo. Ya solo.

Kasi wana azalaki kokanisa yango . . .

143 Nazuaki oyo wana, molongo ya 20. Sikawa molongo ya 21:

Akobota mwana mobali, . . . (Moto yango, ezalaki oyo wapi kati na bango? Moto moko, Nzambe.) . . . mpe okobianga nkombo na ye . . . (Nini?) [Losambo bayanoli: “YESU”—Mok.] . . . mpo akobikisa bato na ye na masumu na bango.

. . . oyo nyonso esalemaki, mpo . . . oyo elobamaki na Nkolo na nzela ya mosakoli ekokisama, koloba ete,

Tala, moseka akozua zemi, mpe akobota mwana mobali, mpe bakobianga nkombo na Ye Emanuele, . . . ntina na yango ete, Njambe elongo na biso.

144 Na bongo, *Yoane na Malia* bazalaki banani, oyo babikaki na esengo nsima na yango? Nani nde Moto oyo alobaki: “Boye bókende kozalisa bayekoli na mabota nyonso, kobatisa bango na nkombo ya Tata, Mwana, Molimo Mosanto?” Tata azalaki nani? Nkombo ya Tata, Mwana, Molimo Mosanto? [Moto moko alobi: “Yesu.”—Mok.] Na ntembe te, ezalaki Yango. Solo mpenza, kotelemelana moko ezali te na yango. Ata moke te. Ezali bobele kosembola Likomi yango. Azalaki Tata, Mwana mpe Molimo Mosanto. Nzambe azalaki (Emanuele) kofanda elongo ná biso, kobika kati na nzoto moko ebengami “Yesu.”

145 Sikawa, malakisi bomoko ya lingomba ya ba-Unitaire, nandimaka yango ata moke te, kokanisa ete Yesu azali moko ndenge mosapi na yo ezali moko. Asengelaki kozala na tata. Soko Azalaki na ye te, ndenge nini Akokaki kozala tata na Ye moko? Mpe soko Tata na Ye azalaki moto ndenge ba-Trinitarien balobaka, boye Abotamaki na mbotama ya mwana makango, ná batata mibale. Boye, bomoni, boza na libunga bino nyonso mibale, na koswana. Bomoni?

146 Kasi Solo na yango ezali ete Tata, Mwana mpe Molimo Mosanto, ezali Bomoto bobele moko. [Maloba mazangi na eteni oyo ya bande—Mok.] . . .ya kofanda na mongombo ya mosuni, mpo na kolongola masumu ya mokili. Ezali mpenza bongo: “Nzambe elongo ná biso.” Sikawa, yango wana, ntango Matai 28:19. . .

147 Sikawa, bóluka-luka na Makomi, mpe soko bomoni esika moto moko mpamba, na Biblia. . . (Sikawa kanisa naino, sikawa kotika te ete likambo oyo éleka likoló na yo.) . . .esika moto moko mpamba, na Biblia, atikálá kobatisama na nkombo ya “Tata,” “Mwana,” mpe “Molimo Mosanto,” zonga epai na ngai mpe yebisa ngai ete nazali mokosi, mpe nakotia elembo moko na mokongo na ngai mpe nakotambola na engumba mobimba. Ezali kati na Makomi te, kobanda na Genese kimo na Emoniseli. Kasi moto nyonso, na Biblia, abatisamaki na Nkombo na Yesu Klisto!

148 Okoloba: “Zela naino, motei. Bongo Yoane? Ye abatisaki na nkombo moko te!”

149 Malamu, tomoni likambo oyo esalemaki; tófungola na—na—na Misala, mokapo ya 19. Kuna nde esika tomoni bayekoli ya Yoane. Bato nyonso mpenza babatisamaki na Nkombo na Yesu Klisto, kino ete tómona etonga oyo awa. Misala, mokapo ya 19. Tóbanda kotánga sikawa, mpe tomoni bayekoli ya Yoane:

Mpe esalemaki ete, . . .naino ezalaki Apolo (oyo azalaki molobeli ya mobeko, oyo abongwanaki) na Kolinti, Paulo alekaki na nzela na ngomba na kati na mokili ya . . .Efese: azui bayekoli mosusu wana, (bazalaki bayekoli ya Yesu)

150 Soko botali mokapo oyo ezali liboso na yango kuna, bazalaki kolekisa ntango malamau mingi na lolenge ete bazalaki koganga mpe kosepela. Bato boni bayebi ete ezali solo? Mpe Akila ná Prisila bazalaki na liyangani yango. Mpe Paulo ná Sila babetamaki, balongolaki bango bilamba, mpe batiamaki na boloko. Ezali bongo? Bayaki wana, mpe bamonaki Akila ná Prisila. Mpe bazalaki na mayangani ya kolamuka kuna, ya motei moko ya Batiste, nkombo na ye Apolo, oyo azalaki kotalisa polele na nzela na Makomi ete “Yesu azali Klisto.” Sikawa Paulo akutani na ye:

. . .Paulo nsima ya koleka na nzela na ngomba na mabongo ya . . .Efese: . . .azui bayekoli mosusu,

Alobaki na bango ete, Ezuaki bino Molimo Mosanto utá bino bondimaki? . . .

151 Sikawa, yo moninga na ngai molingami Batiste, soko yango ekweisi mi—miboko ya theologie na *bino* te, ntango bolobaki ete “bozuaki Molimo Mosanto, *ntango* bondimaki.”

152 Kasi Paulo alingaki kotuna ba-Batiste yango: “Bozuaki Molimo Mosanto *utá* bondimaki?” Sikawa bótala oyo bango balobaki:

. . . Mpe balobaki na ye ete, Biso toyebi . . . soki Molimo Mosanto moko azali.

Mpe alobaki na bango ete, Na banani . . . (sikawa, soko olingi kozua lexique ya Greki awa, ekolakisa yo: “Bobatisamaki ndenge nini?”) . . . Na nini . . . nde bobatisamaki? Mpe balobaki na ye ete, Na oyo ya Yoane, kuna. Yoane moto abatisaki biso.

153 Sikawa nalingi kotuna: Soko ózuaki libatise yango, olingaki kosepela na yango? Moto yango moko oyo akotaki ná Yesu na ebale, oyo abatisaki Yesu Klisto, moto yango moko nde abatisaki bato yango. Ezali mpenza libatise ya malamú: ya komwangisa mai te, ya kosopa mai te, kasi ya kozindisa moto na kati ya Yaladene yango ya potopoto, na esika moko oyo Yesu asiláká kobatisama. Bókanisa naino.

154 Paulo alobaki: “Bozui Molimo Mosanto *utá* bondimaki?” Bango . . . ye . . .

Balobaki: “Toyebi . . . soko Molimo Mosanto moko ezali.”

Alobaki: “Bobatisamaki ndenge nini?”

Balobaki: “Tobatisamaki.”

“Bobatisamaki ndenge nini?”

“Na libatise ya Yoane!”

155 Sikawa bótala malamú ndenge Paulo alobaki. Bótala awa:

Mpe alobaki na bango, . . . bobat- . . . Na libatise ya Yoane . . . Mpe ba . . .

Na bongo Paulo alobaki, ezali ya solo ete Yoane abatisaki . . . liba- . . . mpo na kobongola motema, koyebisa . . . bato ete, . . . esengelaki na bango kondima ye oyo alingaki koya na nsima na ye, elingi koloba Yesu Klisto.

156 Bomoni, Yoane abatisaki bobele *mpo* na kobóngola motema, kasi libatise ya mai na Nkombo na Yesu ezali mpo na bolimbisi ya masumu. Bolimbisi ya masumu esalemaki naino te na ntango wana, masumu ekokaki kolimbisama te. Sikawa . . . Ezalaki bobele eyambweli ya lisosoli, lokola na eleko ya mobeko. Luka 16:16, elobi: “Mobeko ná basakoli bazalaki kino Yoane, banda wana, Bokonzi esakolami.” Sikawa bótala. Mpe . . . Bótala.

Mpe Paulo *alobaki na...*(sikawa bótala)...Bino *bozuaki...*

157 Molongo ya 5—5:

Mpe *eyokaki bango bongo, babatisamaki lisusu* (lisusu) *na nkombo na...* Yesu Klisto.

158 Ezali solo? Boye, bato oyo, bato oyo na Misala 2, babatisamaki na Nkombo na Yesu. Bayuda babatisamaki na Nkombo na Yesu. Bato ya Mabota babatisamaki na Nkombo na Yesu. Mpe bato nyonso na Biblia mobimba babatisamaki na Nkombo na Yesu.

159 Sikawa, bóluka esika bobele moko oyo moto mosusu abatisamaki ndenge mosusu, mpe ngai nakozonga mbala moko awa mpe nakolakisa bino esika lingomba Katoliko endimi yango, mpe elobi ete bozalaki kotosa yango. Mpe elobi ete: “Ba-Protestant mosusu bakoki ntango mosusu kobikisama mpo bazali na mwa malakisi ya Katoliko, ndakisa libatizi na nkombo ya ‘Tata, Mwana mpe Molimo Mosanto’; ete lingomba lisantu ya Katoliko ezali na makoki ya kobongola likambo monene wana, kolongola Nkombo na Yesu, kotia ‘Tata, Mwana mpe Molimo Mosanto,’ mpe lingomba ya ba-Protestant endimi yango.” Oyo esali yango te, ngai nakangami na Biblia. Nandimi Biblia.

160 Okoloba: “Ndeko Branham, otindaka bato ete bábatisama lisusu?” Na ntembe te! Paulo asalaki yango, awa.

161 Sikawa bótala, tozua Bagalatia 1:8, mpo tómona oyo Paulo alobaki:

...soko biso, soko mwanje na likoló, ateyi nsango-malamu mosusu epai na bino...tika ete alakelama mabe.

162 Yango mpenza: “Soko biso to mwanje moko.” Mpe Paulo, moto yango moko, atindaki bato ete bábatisama lisusu, baoyo bazuaki libatizi ya malamu koleka oyo yo ozuaki, ndeko na ngai; mpamba te Yoane Mobatizi azalaki ndeko ya Yesu Ye moko, ndeko na libota mosusu; abatisaki ndeko na ye moko na ebale ya Yaladene, nsima na yango abatisaki bayekoli ya Yoane. Mpe Yesu alobaki: “Ekosimba te!” to Paulo moto alobaki Yango, mpe atindaki bango ete bábatisama lisusu na Nkombo na Yesu Klisto liboso ete bázua Molimo Mosanto; nsima na bango koganga mpe kokumisa Nzambe mpe kolekisa ntango malamu, kozala na kolamuka moko ya—ya monene, bazalaki kotalisa polele na nzela na Biblia (ná theologie na bango) ete Yesu azali Klisto. Bato boni bayebi ete ezali Likomi? Mokapo ya 18. Ezali mpenza bongo. Yango mpenza. Boye, ntembe ezali te mpo na Yango.

163 Sikawa botika napesa bino mwa likanisi ya motuya. Sikawa, atikálá kobima libanda na molongo te, kasi na Luka... Matai, mokapo ya 16. Yesu, ntango bazalaki kokita ngomba, Alobi, “Bato balobaka ete Ngai Mwana na moto Nazali nde Nani?”

164 “Bamoko balobaka ete Oza ‘Eliya,’ bamosusu balobaka ete Oza ‘basakoli,’ mpe bamosusu balobaka ete Oza ‘oyo, oyo wana.’”

165 Alobaki: “Kasi bino bolobaka Nani?”

166 Petelo alobaki: “Ozali Klisto, Mwana na Nzambe na bomoi.”

167 Bótala malamumu! “Esenko na yo, Simona Bala-Yona (mwana na Yona), mosuni mpe makila emonisi yo Yango te.” Amen!

168 Bomoni, Esengeli koya na nzela na emoniseli ya molimo. Mosuni mpe makila eyebisaki Abele te ete azalaki na libunga (Kaina, ete azalaki na libunga), eyebisaki Abele te ete “Kaina azalaki na libunga.” Kasi Abele azuaki nde Emoniseli: “Ezalaki makila!” Tozokóma na motuna yango, nsima na miníti moke. Makila, mbuma te, nde ebimisaki biso na elanga ya Edene. “Ezalaki makila,” mpe Abele, na emoniseli ya molimo, Nzambe amonisaki ye ete ezalaki nde makila, mpe ye: “Na kondima,” Baebele 11:1 elobi, “apesaki Nzambe mbeka kitoko koleka oyo ya Kaina. Elingi koloba, Nzambe andimaki mbéka na ye.” Yango mpenza. Bomoni, apesaki yango na nzela na kondima, na nzela na emoniseli.

169 Sikawa bótala malamumu: “Nzoto mpe makila emonisi yo yango te,” (etiambi epai na Nkolo Yesu) “kasi Tata na Ngai oyo azali na Likoló nde amonisi Yo Yango. Mpe likoló na libanga oyo (emoniseli ya Yesu Klisto). . . Likoló na libanga oyo Nakotonga Lingomba na Ngai, mpe bikuke ya ewelo ekoki kolonga Yango te.” Yango nde Alobaki. Emonisel ya molim- . . . “Mpe Nalobi ete ozali Petelo, mpe Nakopesa yo mafungola ya Bokonzi. Mpe nyonso oyo . . . Mpo nzela na yo ya molimo efungwámá katikati na awa mpe Lola. Nzoto mpe makila: otángá na seminére te, otángá te, otángá ma—ma—malakisi ya theologie ata moke te. Kasi otalelaki Nzambe, mpe Nzambe nde amonisi yo Yango, mpe yango mpenza nde Makomi ya polele oyo esangisi Yango. Nalobi oza Petelo, ya solo, mpe Nakopesa yo mafungola; mpe oyo okokanga na mokili, Nakokanga yango na Likoló; oyo okofungola na mokili, Nakofungola yango na Likoló.”

170 Mpe Petelo azalaki molobi na Mokolo ya Pantekote, ntango bango nyonso bazalaki kobanga koloba, ye alobaki polele, alobaki: “Bino bato na Yuda mpe bino baoyo bofándi na Yelusalema, tika ete likambo oyo éyebana epai na bino mpe bóyoka Maloba na ngai. Bato oyo balangwe masanga te, ndenge bozali kokanisa, komona ete ezali ngonga ya misato na moi, kasi oyo ezali likambo Yoele alobelaki. ‘Ekosalema ete na ntango ya nsuka,’ elobi Nzambe, ‘Nakosopa Molimo na Ngai likoló na nzoto nyonso. Bana na bino ya mibali mpe ya basi bakosakola. Mpe likoló na baombo na Ngai ya basi, mpe na moombo na Ngai, Nakosopa Molimo na Ngai. Mpe Nakotalisa bilembo na likoló mpe na mokili, mpe makonzi ya molinga mpe ya londende. Ekosalema ete liboso na Mokolo monene mpe ya nsomo ya Nkolo,

moto nyonso oyo akobelela Nkombo na Nkolo akobikisama.” Yango mpenza. Oh, la la.

¹⁷¹ “Bótika naloba na bino, na bosomi, na ntina na tata Dawidi,” alobaki, “ete akúfá mpe akundámá, mpe nkunda na ye ezali elongo na biso kino lelo. Yango wana, lokola mosakoli, amonaki. . . amonaki Ye liboso na loboko na Ye ya mobali, ‘Mpe Nakokweisama te. Lisusu nzoto na Ngai ekopema na elikia mpo Akotika elimo na Ngai na ewelo te, Okotika mpe te ete Mobulami na Yo komona kopola.’”

¹⁷² “Mpe Dawidi akúfá,” alobaki, “mpe akundámá, mpe lilita na ye ezali elongo ná biso lelo oyo. Kasi lokola mosakoli, amonaki liboso boyei ya Moyengebene, Oyo Nzambe akómisi Nkolo mpe Klisto.” Oh, la la. Makomi na bino yango wana. Yango nde likambo. Ezali bongo.

¹⁷³ Sikawa tomoni awa, na nsima, ete lolenge oyo esengeli, mpe lolenge oyo ya solosolo, mpe lolenge bobele moko oyo ebongisamaki. . . Mpe Petelo azalaki na mafungola, mpe na mokolo yango ntango ateyaki, balobaki. . . Sikawa bótala, Lingomba ya liboso yango oyo. Bino ba-Katoliko, báyoka likambo Oyo. Bino ba-Campbelite báyoka likambo Oyo. Bino ba-Batiste ná ba-Methodiste báyoka likambo Oyo. Mpe bino ba-Pantekotiste báyoka likambo Oyo. Eglise de Dieu, ba-Nazareen, ba-Pelerin de la Saintété, báyoka likambo Oyo.

¹⁷⁴ Petelo Azalaki na mafungola, mpe azalaki na bokonzi, soki te, Yesu akosaki. Kasi ekoki kosalema te ete Ye ákosa, “makambo mibale oyo ebongwanaka te, ekoki kosalema te ete Nzambe ákosa.” Azalaki na mafungola. Yesu nde apesaki ye mafungola. Ntango Asekwaki na—na mokolo ya misato, ndenge wana, Azalaki na mafungola ya kufa mpe, ewelo, kasi azalaki na mafungola ya Bokonzi te. Petelo moto azalaki na yango! Ezali mpenza bongo.

¹⁷⁵ Sikawa bótala, Petelo, yo nde ozali na mafungola na loketo na yo, mpe ozali koteya. Motuna eyei, bato ya liboso oyo babongolaki motema na lingomba ya sika. Lingomba ya Baklisto ya ebandeli. Sikawa ba-Katoliko, sikawa ba-Batiste, ba-Methodiste, ba-Presbiterien, botelemi likoló na malakisi ya Lingomba ya Sika? Bótala soki ezali bongo.

. . . Mobali mpe bandeko, tosala nini?

. . . Petelo atelemaki mpe alobaki. . . Bóbongola mitema, . . . moko na moko na bino. . . (keba, ndeko; ndenge ozali kotia mafungola yango awa, Klisto akotia yango na Lola) . . . Bóbongola mitema, moko na moko na bino, mpe bóbatisama na *nkombo na Yesu Klisto* . . . (ndenge wana nde bakotaka kati na Yango) . . . mpo na *bolimbisi ya masumu* na bino, mpe bino *bokozua likabo ya Molimo Mosanto*.

¹⁷⁶ Mafungola esalaki “klik” awa, mpe esalaki “klik” Kuna. Yango nde ntina oyo bayekoli ya Yoane basengelaki koya kobatisama lisusu, na Nkombo na Yesu Klisto, (liboso ete bákota na Lola), kozua Molimo Mosanto. Akokisaki Liloba na Ye. Boye, ekobulunganisa bino lisusu te, boye te? Bomoni? Ya solo mpenza, Matai 28:19 ezalaki bibiangeli, Nkombo te.

¹⁷⁷ Malamu, totikali na ntango boni? Tokoki kobakisa miníti zomi na mitano mpo na koyanola na mituna mibale to misato noki-noki? Tokoki? Malamu, tokosala noki-noki. Nazali na mituna mibale awa na nse, oyo nalingaki kozua noki-noki, ezali kotambola elongo na oyo, soko nakokoka. Na bongo, nakoki kozua oyo ekotikalala mokolo mwa lomingo na ntongo.

57. Kaina azalaki nde na libota ya nyoka? (Oyo ezali motuna moko malamu.) Soki bongo, mpo na nini Eva azuaki zemi te kino nsima ete Adama áyeba ye?

Yango moko. . . Motuna oyo elandi ezali ndenge moko:

58. Ezalaki nze—nzete moko ya solosolo oyo Eva aliaki mbuma na yango? Amonaki ete ezalaki malamu na kolia.

¹⁷⁸ Malamu, ndeko mobali to ndeko mwasi, ézala nani, tózonga na Genese mpo tóyeba eloko moko awa. Tókende na Genese 3:8, soki bolingi. Malamu, mpe bóyoka na bokebi sikawa.

¹⁷⁹ Sikawa nakolobelesa lisusu bino lisolo yango. Nyonso ezalaki peto mpe bulee, lisumu to mbindo ezalaki te. Sasaipi nakozua liboso. . . ya yo. . . motuna ya liboso oyo. Nzete oyo ezalaki kati na bomoi. . . na katikati ya elanga, na katikati ya nzete. Nzete yango ezalaki nde “mwasi.” Sikawa nakotalisa bino yango polele na nzela na Makomi, soko bokozala kaka na motema molai na miníti moke.

¹⁸⁰ Tokozua liboso soko azalaki. . . soko azuaki zemi liboso áyebana na Adama to te, to liboso. . . Bóyoka:

Mpe bayokaki mongongo ya Y_{AWE} Njambe kotámbola na elanga, mpe na mpio ya mokolo: mpe Adama na mwasi na ye bamibombaki liboso na Y_{AWE} Njambe katikati na banjete na elanga.

Mpe Y_{AWE}. . . abengaki Adama, mpe alobaki. . . Ozali wapi?

Mpe alobaki, Nayokaki mongongo na yo kati na elanga, mpe nabangaki, jambi najalaki bolumbu; . . . (sikawa, ayebaki te ete mokolo moko liboso na yango; likambo moko eutaki kosalema, eloko moko emonisaki ye ete akómaki bolumbu) mpe Namibombaki.

Mpe alobaki ete, Nani ayebisi yo ete ozalaki bolumbu? Olei nde mbuma ya nzete, . . . ?

¹⁸¹ Kolia mbuma ya nzete yango nde esalaki ete áyeba ete azalaki bolumbu? Ndenge nalobaka mbala mingi, (oyo ezali

maseki te, nalobaka yango mpo na maseki te): “Kasi soko kolia póme nde esalaki ete basi báyebe ete bazali bolumbu, malamú tópesa bango lisusu ba-póme.” Bomoni? Ezalaki bolumbu te. Ezalaki nzete te, póme te, nde baliaki, ezalaki nde koyebana nzoto. Bótala malamú:

. . . Olei nde mbuma na nzete yango epekisaki ngai yo ete ólia yango te?

Mpe mobali alobaki ete, Mwasi oyo opesaki ngai, mpo ázala elongo na ngai, ye nde apesi ngai. . . nzete yango, mpe ngai nalei.

Mpe YAWÉ. . . alobaki na mwasi ete, Mpo na nini osali bongo? Mpe mwasi alobaki ete, Nyoka azimbisaki ngai. . . (huh?) . . . Nyoka azimbisaki ngai, mpe naliaki. (ntango molai liboso ete ázua zemi, bomoni, na nzela na Adama)

¹⁸² Adama ayebaki ye, azuaki zemi mpe abotaki—mpe abotaki Abele.

¹⁸³ Kasi nalingi kotuna bino, soko totali likambo yango mpenza. Sikawa mpo na kotalisa bino polele ete mwasi nde azalaki nzete yango, mwasi nyonso azali nzete ya mbuma. Bato boni bayebi yango? Ozali mbuma ya mama na yo, boye te? Na ntembe te, ezali bongo. “Mpe na katikati ya mbuma, to na katikati ya nzete yango, mbuma oyo asengelaki kosimba te.”

¹⁸⁴ Soko botali malamú, Yesu azalaki Nzete ya Bomoi, boye te? Alakaki te, na Santu Matai, to, Santu Yoane, mokapo ya 6 ete: “Nazali Lipa ya Bomoi oyo euti na Nzambe na Likoló?”

¹⁸⁵ Soko mobali alei ya mwasi. . . Mpe bótala, na nzela na kobotama na. . . na nzela na mwasi, biso nyonso tokufaka; mpamba te toza baombo ya kufa (boye te?) na nzela na kobotama na mwasi. Na nzela na kobotama na mobali, biso nyonso tozali na bomoi ya libela. Mwasi azali nzete ya kufa, mobali azali nzete ya bomoi; mpamba te mwasi azali ata na bomoi kati na ye te. Ezali mpenza bongo. Mo—momboto ya bomoi eutaka na mobali, ya solo. Ekotaka kati na mwasi, mpe mwasi azali bobele ebombelo; mpe mwana akangamaka na ye te, bobele na nzela na singa ya motolu. Ata litanga moko ya makila ya mama ezalaka kati na mwana te; abotamaka kati na makila ya mama, kasi ata litanga moko te ekotaka *kati* na mwana. Kende koluka. . . to tánga buku ya monganga, to tuna monganga na yo, okomona. Ezalaka kati na ye te, te, misie, ata litanga na yango moko te. Azali bobele líki, esili. Mpe bomoi eutaka na mobali.

¹⁸⁶ Yango nde etaliseli moko kitoko mpo na kolakisa ete na nzela na mwasi, na mbotama ya nzoto, biso nyonso tosengeli kokufa, mpo tosílá kokufa, mpo na kobanda; mpe bobele na nzela na Moto Klisto Yesu nde tokoki kozala na bomoi. Mpe yango nde banzete mibale oyo ezalaki na elanga ya Edene. Bomoni yango, boye te?

¹⁸⁷ Mpe bótala malamu! Mpe na mokolo wana, Keluba moko atiamaki wana mpo na kobatela nzete yango. Mpo, soko bátikalaka koléta Nzete na Bomoi yango, bango nyonso balingaki kozala na bomoi mpo na libela. Bato boni bayebi yango? Bango nyonso balingaki kozala na bomoi ya libela. Mpe mbala ya liboso oyo bazuaki libaku ya koleta yango. . . Mwanje alobaki: “Tokobatela Yango.” Mpe batiaki Bakeluba wana, ná mipanga ezali kopela móto na ngamba ya esti mpo na kobatela Yango. Bazongisaki Yango na Esti, mpe babatelaki Nzete yango na mipanga ezali kopela móto mpo bákota te, mpo na kolia mbuma na Yango (Nzete oyo).

¹⁸⁸ Mpe ntango Yesu ayaki, Alobaki: “Nazali Lipa ya Bomoi, soko moto alei Lipa yango akokufa soko moke te.” Yango nde Nzete yango.

¹⁸⁹ Yango nde mwasi, yango nde koyebana nzoto oyo epesaka kufa. Kaka mpenza ndenge mposa ya koyebana nzoto ezali, kufa ezali longwa na yango. Mpe kaka mpenza ndenge mbotama ya molimo ezali, Bomoi na Seko ezali longwa na Yango. Kufa eyaki na nzela na mbotama na mwasi moko, mpe Bomoi eyaki na nzela na mbotama na Mobali moko. Amen! Yango mpenza.

¹⁹⁰ Sikawa tozonga epai na Kaina. Bokoki koyebisa ngai epai wapi molimo wana mpe nkanza wana eúta? Soko Kaina. . . bótala, soko Kaina azalaki mwana na Adama oyo azalaki mwana na Nzambe, mabe wana eutaki wapi? Likambo ya liboso ntango abotamaki, azalaki koyina, azalaki mobomi, azalaki na zúwa. Sasaipi, bózua lolenge ya tata na ye, libandela mpenza na ebandeli, Lusifele, mpe azalaki na ebandeli. . . ayokelaki Mikaele zúwa, yango nde ebandisaki kokoso nyonso. Boni bayebi yango? Mpe Kaina azalaki na lolenge ya tata na ye, oyo ayokelaki ndeko na ye zúwa mpe abomaki ye. Peto wana. . . lolenge wana ekokaki kouta na mongálá ya peto wana te. Eutaki. . . esengelaki kouta na mongálá oyo ya lipengwa. Mpe bótala Kaina, kaka ntango abotamaki.

¹⁹¹ Na nsima Abele abotamaki nsima na ye, bongo azuaki zemi ya Adama, ayebaki—ayebaki ye, mpe abotaki mwana mobali, Abele. Mpe Abele azalaki elilingi ya Klisto; mpe ntango—ntango Abele abomamaki, Sete azuaki esika na ye; kufa, kokundama, mpe lisekwa ya Klisto, na elilingi.

¹⁹² Kasi, sikawa, Kaina azalaki kosambela; misala na ye nyonso ya mosuni, kaka lokola lingomba ya mosuni lelo: bakendeke na losambo, basambelaka. Kaina azalaki kosambela; azalaki mozangi kondima te, azalaki communiste te. Kaina azalaki mondimi; akendeki epai ya Nzambe, atongaki etumbelo. Asalaki makambo nyonso ya basambeli, oyo Abele asalaki, kasi azalaki na emoniseli ya molimo ya mokano na Nzambe te. Nkombo na Nkolo épambolama! Yango mpenza. Bomoni Yango? Azalaki na emoniseli ya molimo te, mpe yango nde likambo ya lingomba

lelo. Mpe Yesu alobaki ete Akotonga Lingomba na Ye likoló na emoniseli ya molimo. Bososoli Yango? Oh, la la, miso na bino ekoki kofungwama sikawa. Bomoni, emoniseli ya molimo.

¹⁹³ Kaina ayaki: atongaki etumbelo, asambelaki, amemaki mbeka, afukamaki, akumisaki Nzambe, asambelaki Nzambe, asalaki nyonso ya basambeli, oyo Abele asalaki. Mpe Nzambe aboyaki ye mpenza mpo azalaki na emoniseli ya molimo te!

¹⁹⁴ Bólanda molongo yango, oyo ya Kaina: kokita mpenza kino na masuwa, longwa na masuwa kino na Yisraele, longwa na Yisraele kino na Yesu, mpe longwa na Yesu kino lelo oyo; mpe botala soko lingomba wana ya mosuni, ya mibeko, oyo ekémbá mpe ya zololo, ya mayele ya kelasi, nalingi koloba bato oyo bazali na Makomi, oyo bayebi malakisi mpe makindó nyonso, bakoki kolimbola yango, tala, kaka *boye*, kasi bazangi emoniseli ya molimo! [Ndeko Branham alelisi misapi na ye—Mok.] Ya solo. Yango nde mateyo ya Kaina.

¹⁹⁵ Biblia elobi: “Mawa na bango! mpamba te balandi malakisi ya Kaina, bakoti na mabunga ya Balama, mpe bakufi na botomboki ya Kola.” Buku yango moko, Yuda, alobaki: “Babongisamaki liboso mpo na kokweisama oyo.” Ya solo mpenza. Bomoni? Balama azalaki nini? Azalaki episkopo. Azalaki likoló na lingomba mobimba. Ayaki wana lokola moto ya mibeko mpenza. Apesaki . . . Bótala ndenge ateleme kuna, kati na bato ya lokumu, ateleme kuna, kati na bato na bango ya lokumu monene. Mpe bazalaki bazangi kondima te, bazalaki bandimi.

¹⁹⁶ Li—libota wana ya Moaba, eutaki na mwana-mwasi ya Lota. Lota oyo abikaki . . . Mwana-mwasi ya Lota oyo abikaki ná tata na ye, azuaki zemi mpe abotaki mwana, mpe mwana yango azalaki . . . abimisaki libota ya Moaba. Mpe bazalaki denomination monene. Bato minene, ya lokumu, mpe bazalaki na ba-nkúmú, bakonzi mpe bato na lokumu. Bazalaki na ba-episkopo, ba-cardinal mpe nyonso wana.

¹⁹⁷ Mpe tala etonga ya batuntuki moko bayaki wana, etonga mosusu, Yisraele; mwa etonga moko boye oyo bazangaki denomination, ba-interdenominationel. Mpe basalaki makambo nyonso ya mabe oyo bakokaki kosala. Kasi likambo ezali ete, bango bazalaki na emoniseli ya molimo, mpe Nzambe azalaki elongo na bango kati na Likonzi na Móto.

¹⁹⁸ Oh, na—nayebi ete bazalaki na makambo ya mosuni, mpe bato bazalaki koloba: “Etonga moko boye ya bato basilá, eloko moko ya kosala ezali te, kaka kobwaka bango libanda.” Kasi bazalaki na emoniseli ya molimo, mpe bazalaki na Libanga libetami, bazalaki na nyoka na motáko, bazalaki na Likonzi na Móto kotamboláká elongo ná bango. Aleluya! Nayebi ete bo—bokanisi namemami, kasi ezali bongo te. Namiyoki kaka malamamu.

199 Botala! Ntango nakanisi: “Nzambe yango moko, lelo, azali kobika elongo ná biso.” Ezali emoniseli ya molimo ya Liloba kino lelo. Na ntembe te, ezali solo. Ezali solo Seko-na-seko. Nkombo na Nkolo épambolama! Iyo, misie.

200 Tala atelemaki kuna, moto na mibeko yango; etonga ya ba-Batiste ná ba-Presbiterien wana batelemaki likoló na ngomba, mpe bazalaki na epískópo na bango kuna. Bazalaki mpenza basambeli, mpe na lolenge moko ya kosambela, bazalaki kosambela Nzambe yango moko. Balobaki: “Bótala na nsé kuna, bato mpamba wana. Ee, bazali ata na denomination te. Bazali bobele etonga ya bato bazangi mayele, ya makelele, batuntuki.”

201 Ezali bongo? Bongo mpenza, bazalaki bongo. Soko bondimi te ete bazalaki batuntuki, bózonga na Genese mpe bótala ntango bakatisaki. Ekamwiseli moko esalemaki, mpe Milyami azuaki ndundu mpe akendei na libongo, kobetáká yango; kobináká na Molimo, mpe Mose azalaki koyemba na Molimo. Soko wana ezali te etonga ya oyo biso tobengaka nsomi. . . batuntuki, nayebi te oyo yango ezali; koyembáká, kopumbwáká mpe kokumisáká. Mpe mabota ezalaki ntango nyonso koyina bango, kasi Nzambe azalaki elongo ná bango. Bazalaki na emoniseli ya molimo, bazalaki kolanda Likonzi na Móto.

202 Mpe Moaba alobaki, “Sikawa, bóyoka. Tokobenga ba-cardinal nyonso mpe ba-episkopo nyonso, mpe moyangeli-bakonzi nyonso, tokobengisa bango awa. Tokosala likambo moko na ntina na yango, mpo tozali ekólo ya basambeli. Tokotika te nsango ya lokuta wana ébulunganisa denomination na biso ya malamú.”

203 Na bongo, babengisaki bango kuna. Mpe batongaki bitumbelo zomi na mibale; yango mpenza nde Yisraele bazalaki na yango, bitumbelo zomi na mibale. Batiaki mbeka zomi na mibale likoló na yango, ngombe mibali; mpenza oyo Yisraele bazalaki na yango, oyo Nzambe azalaki kosenga. Batiaki mpate zomi na mibale likoló na yango, ezalaki kotalisa boyei ya Nkolo Yesu Klisto; mpate zomi na mibale na bisika nyonso mibale.

204 Bato na lokumu nyonso, ba-episkopo mpe bango nyonso batelemaki nzinganzinga. Bapelisaki mbeka yango. Babondelaki, batombolaki maboko epai ya Jehovah mpe balobaki: “Jehovah, yoka biso!” Bazalaki koluka kosala nini? Mpe mobange Balaama na bango akendei na liboso ndenge wana, mpe Molimo ekitaki likoló na ye. Ya solo (kasi azalaki moto ya mosuni).

205 Molimo ekoki kokita likoló na mokosi, ndenge Biblia elobi. Boyokaki ngai koteya yango, sikawa. “Mvula enokaka likolo na bato malamú mpe bato mabe.” Kasi esengeli kokokana ná Liloba, ndenge wana nde bayebaka yango.

206 Na nsima, ntango asalaki bongo, mpe...ntango, atako Molimo oyo ezalaki likoló na ye elobaki Solo, amekaki kolakela Yisraele mabe, kasi apambolaki Yisraele nde.

207 Sikawa, soko Nzambe amemiaka bobele ndakonzambe ya kitoko, episkopo ya malamumu, mpe mokengeli ya malamumu mingi, etonga ya bato oyo batángá, boye Asengelaki kondima mbeka yango, mpamba te asalaki oyo ekokani na mobeko, ndenge Yisraele azalaki na alima; kasi azangaki emoniseli ya molimo ya Liloba, mpe mokano na Nzambe. Yango mpenza, yango nde bokeseni lelo.

208 Bótala Yesu. Balobaki: “Bólongola mobali wana. Toyebi ete azali mo-Samalia. Aza na liboma. Olingi koteya biso malakisi? Ee, babótá yo na ekobo. Ozalaki bobele mwana-makango, mpo na kobanda. Nani nde papa na yo? Olobaka ete Nzambe nde tata na yo, motuki moko boye! Ee, olingi nde koyebisa biso? Tozali batei, tozali ba-episkopo; batata ya batata ya batata ya batata ya batata ya batata ya batata ya batata ya bankóko na biso bazaláká batei mpe ba-episkopo. Tobótámá mpe tokólá kati na lingomba. Totángá na ba-seminérei ya minene koleka. Toyebi Liloba moko na moko malamumu mpenza. Bongo ozali koluka koteya biso malakisi? Otángá mpenza na eteyelo oyo wapi? Mayele oyo ozuá yango wapi?”

209 Alobaki: “Bouti na...tata na bino zabolo,” elobaki Yesu.

210 Bazalaki na bilembo mpe bikamwiseli te, katikati na bango. Bazalaki na lobiko na nzoto kouta na Nzambe mpe nyonso wana te, katikati na bango. Bazalaki na mapamboli te katikati na bango. Kasi Yesu azalaki mpenza emoniseli ya molimo ya Makomi.

211 Balobaki: “Ee, ekomami *boye-na-boye*.”

212 Yesu mpe alobaki: “Iyo, ekomami mpe.” Kasi Nzambe atitolaki moto na Ye na bilembo na Ye.

213 Petelo alobaki ndenge moko, na Misala 2, alobaki: “Bino mibali ya Yisraele; Yesu ya Nazarete, Moto oyo andimami na Nzambe kati na bino, na bilembo mpe bikamwiseli oyo Nzambe asalaki na nzela na Ye epai na bino, oyo bino moko mpe boyebi.” (yango mpenza) “Esilaki Ye kokabama na...na nzela na... na nzela na likita ya Mikolo kuna. Kasi na makoki ya Nzambe ya koyeba makambo liboso, Nzambe asiláká kobongisá liboso ete Ákufa liwa oyo. Bokabi Ye na maboko ya nkele mpe ya nkanza. Bobakaki na ekulusu Mokonzi na Bomoi, Ye oyo Nzambe asekwisi. Mpe biso tozali batatoli na yango.”

214 Fiuu, oyo nde motei! Azalaki te...akokaki ata kokoma nkombo na ye moko te, kasi ayebaki Nzambe. Balobaki ete “basosolaki ete ye azalaki elongo na Yesu.” Solo mpenza, ezali emoniseli ya molimo. Oh, la la. Sikawa, yango wana mpenza.

²¹⁵ Kaina azalaki mpenza na molongo yango, lingomba ya mosuni mpe ezali na molongo yango lelo. Lingomba ya Molimo ezali na Likonzi na Mító kino lelo, ezali na bilembo, bikamwiseli kino lelo, ezali na Klisto yango moko kino lelo; ezali kokoba kotatolama, banda na mwana-mpate oyo akufaki na elanga ya Edene, kino na Boyei ya mibale ya Mwana-mpate. Ya solo mpenza, motindo moko lobi, lelo mpe libela.

²¹⁶ Mpe molongo wana ya Kaina ya basambeli, ya bato batángá mingi mpe ya mayele mingi, ezali kokoba ndenge moko; kaka ndenge moko, mikolo nyonso kaka ndenge moko. Batioli mpe banyókoli, lokola Kaina azalaki- epai na Abele, bazali mpe bongo lelo, bazaláká bongo mpe bakozala ntango nyonso bongo; bato na mosuni, bazangi kondima. Ya solo.

²¹⁷ Sasaipi Genese 3:8, mpe nakomaki lisusu 20 awa, nazalaki kotala yango kala mingi te:

Mpe Adama abengaki. . . Mpe Adama abengaki mwasi na ye. . . Ewa; mpo ajalaki mama na bango nyonso ajali na bomoi. (bomoni, yango ezalaki nsima na kozimbisama kosila kosalema)

²¹⁸ Kaina azalaki. . . “Sikawa zela moke!” Okoloba: “Ndenge nini nyoka, nyoka ekoki kosala bongo?”

²¹⁹ Kasi, ndeko, tala awa, Biblia elobi te ete azalaki nyoka; Biblia elobi: “Azalaki na mayele mabe koleka banyama nyonso ya elanga.” Azalaki kobendana na libumu te, azalaki nyama. Azalaki. . . Mpe kuna. . .

²²⁰ Mpe tika napesa bino yango, lokola mwa elembo moko kati na biso, soko bokolinga. Wana nde esika bato ya zebi babulunganisami. Eloko oyo ezali mpembeni na moto koleka nyonso, ezali mokomboso. Bato boni bayebi yango? Kasi eloko moko ezali na katikati wana. Bakokaka te kokokanisa mikuwa ya mokomboso ná mikuwa ya moto, atako ezali mpembeni na moto koleka nyonso. Bakoki komema ye mpembeni na líki ya ligbololo. Bakoki komema ye mpembeni na litaká. Bakoki komema ye mpembeni na nyama mpe nyama nyonso. Bakoki komema ye mpembeni na ngombolo. Soko ozui ngombolo mpe olongoli yango loposo, ezali mpenza lokola elenge mwasi. Ndenge moko mpenza. Soko otali mokongo na ye mpe nyonso wana, otelemisi bango wana, mpe ozui mwasi ndenge. . . otelemisi mwasi ndenge wana. Ezali mpenza ndenge moko lokola—lokola lo—lokola ngombolo. Likaká ekendeke ndenge moko, mpe litandu ekendeke boye, lokola moto mpenza. Kasi mokomboso nde azali mpenza mpembeni na yango koleka. Ezali mpembeni, kasi bamonaka yango te.

²²¹ Mwa sekelé moko yango oyo, soko bolingi koyeba yango. Boyebi soko ezali na esika nini? Ebombami na miso na bango. Bakoki kotimola mikuwa nyonso balingi. Bakoki kotimola. . . Basali bikeko bakoki kotimola, mpe zébi, mpe ba—mpe batángi

bileko bakoki koluka koyeba bimekeli ya ntango ná ya ba-atome, kasi bakososola yango te. Mpamba te, nyoka nde ekokanaki mingi na moto koleka biloko mosusu nyonso oyo ezalaki na mokili, kasi Nzambe alakelaki ye mabe mpe atiaki ye na libumu na ye, mpe akómaki nyoka oyo ekokani ata moke te na moto. Sikawa mikwanza motó, bato ya zébi wana, tika bango bábundana na yango mwa moke.

²²² Kasi Biblia elobi ete: “Azalaki na mayele mabe mingi koleka banyama nyonso na elanga.” Ya solo. Ye nde azalaki ekanganelo oyo ezalaki katikati na moto mpe makako, kasi Nzambe alakelaki ye mabe mpe atelemisaki ye mpenza na libumu na ye mpo na—mpo na likambo oyo autaki kosala. Azimbisaki mwasi oyo, mpe mwasi abotaki mwana na ye ya liboso, elingi koloba Kaina, oyo azalaki na lolenge mpenza ya pemelá ya nyoka ye moko, zabolo, oyo akotaki kati na nyoka, mpe asalaki yango.

²²³ Na nsima, azuaki zemi mpe abotaki, azuaki lisusu zemi nsima na ye kozimbisama. Sikawa bótala, mwasi azimbisaki, etikalaki moke a . . . Ee, asalaki mabe. Kasi, mpenza, ntango azuaki zemi na mobali na ye, yango elongobanaki, mpamba te, ekokaki kosalema ntango mingi, mingi nsima na yango, sanza mingi mpe mikolo mingi nsima na yango; eyebani te, toyebi yango te, kasi abotaki mpenza ná Adama.

²²⁴ Mpe moto moko atunaki kutu motuna yango, alobaki: “Ee, mwana yango. . . alobaki ete ye mwasi alingaki . . . Ntango Kaina abotamaki, alobaki ete ‘azuaki mwana mobali uta na Nkolo.’” Na ntembe te, solo mpenza, esengelaki kozala bongo. Ezalaki mobeko ya ekelamo. Ezali mpenza ndenge wana mpo na yo lelo. Ntango obotami, ezali te ete Nzambe akiti mpe asali yo. Ozali mokitani ya tata mpe mama na yo. Mpe okozala . . . ekozala na . . . bana na yo bakozala bakitani na yo. Ezali bobótani ntango nyonso, kokoba bongo, lokola banzete ya mimboti mpe biloko ya ndenge wana; kasi uta na oyo ya ebandeli. Nalikii ete elimboli yango.

²²⁵ Totikali na ntango boni? Tozali lisusu na ntango te. Bóyoka motuna malamú oyo elandi . . . oyo tokozua mokolo ya Lomingu: “Na Molimo moko, biso nyonso tobatisami na Nzoto moko . . .” (Tokolinga koyeba yango.) “. . . Klisto.” Na ntango yango . . . Sikawa, nakanisi ete nakosangisa mwa Makomi, Makomi ya malamú mpo na yango [Ndeko Branham ayanoli na motuna yango na Eteni ya II, motuna ya 60—Mok.].

²²⁶ Moko ya malamú yango oyo, kaka lokola . . . Bokolinga koyikela ngai mpiko, nábakisa miníti to mibale, mpo na koyanola na motuna oyo? Ekoki komiyanola yango moko.

59. Ntango—ntango olobaka ete “bato na nkanza bakozika Seko te,” . . . (Ee, sasaipi natungisi ba-Temoin de Jehovah mingi, boye te?) . . . Ntango olobaka ete bato na nkanza

bakozika Seko te, olingaka koloba na lifelo to na libeke na móto? Nayebi ete elobami na Emoniseli (ezali mokapo ya 20) ete lifelo ekobwakama kati na libeke na móto. Soko baziki Seko te, na bongo nini ekokómela bango?

227 Kaka ndenge nauti koloba, ndeko mobali to ndeko mwasi, ózala nani; bakolimwa, eloko na bango moko te ekotikala. Bazalaki na ebandeli, mpe kuna bakómi na nsuka; bazali lisusu eloko moko te. Ntango boni . . . bakozika ntango boni, ezali mpasi mpo na koyeba yango. Kasi, tala, kuna . . .

228 Soko bokoki kosimba likambo oyo na makanisi na bino, bomoni, ezali mpenza petee. Bomoi na Seko ezali bobele na lolenge moko, mpe eutaka na Nzambe Ye moko. Mpe bobele Nzambe nde azali Bomoi na Seko. Soko oluki awa na lexique, luka liloba oyo *Zoe* na Greki. *Zoe* ezali “Bomoi na Seko.” *Bomoi na Seko* ezali “Nzambe.” Mpe Yesu alobaki: “Napesi bango Bomoi na Seko.” Mpe soko otali awa na lexique, balobi: “*Zoe*.” Yango nde Bomoi na Seko bobele moko oyo ezali. Ata na esika moko te na Biblia balobi ete lifelo moko ya Seko ekozala, balobi ete bakozika “libela na libela.”

229 Sikawa, mpo na kozua liloba oyo *libela*, luka nde *aeon*. Bomoni *awa*, na Biblia? Bato boni bayebaki ete balobi: “Mpe ba-aeon na ba-ae- . . .”? Boni bayebi ete *aeon* ezali “ntáká ya ntango”? Ee, ya solo, moto nyonso ayebi ete *aeon* ezali “ntáká ya ntango.”

230 “Mpe bakozika ba-aeon,” elingi koloba ba-ntáká ya ntango. “Bakobwakama na libeke na móto, mpe bakozika ba-aeon.” *Aeon* elingi koloba “ba-ntáká ya ntango.” Bakoki kozika mibu milió mokama na etumbu kasi, suka-suka, basengeli kokóma na nsuka; bakolimwa, na mobimba. Bomoni, mpamba te nyonso oyo ebongi be te ezali kopengwisama ya oyo Ebongi be; mpe ezalaki na ebandeli, boye esengelaki kozala na nsuka.

231 Kasi biso baoyo tondimeli Nkolo Yesu Klisto tozali na *Zoe*, “Bomoi ya Nzambe Mpenza” kati na biso, mpe tozali na Bomoi ya Seko. Ezali te ete tozali na bomoi ya libela na libela, mosumuki nde azali na bomoi ya libela na libela, kasi biso tozali na “Bomoi ya Seko.”

232 Ndeko Cox, kala mingi te, afandaki liboso ya ndako na ngai yambo ete tótia . . . nsima na biso kotia mabanga kuna, mpe alokotaki mwa libanga ya fossile ya kala, mpe alobaki: “Ndeko Branham, ezali na mibu boni?”

233 “Oh,” nalobaki, “kokokana na ntango, okoki koloba ete ezali na mibu nkoto zomi. Mwa elímá moko ya mbu, oyo ezaláká na bomoi na eloko moko boye, mwa nyama moko ya mbu, ekokaki kozala na bomoi kala mpenza, na bileko eleká kala.”

234 Alobaki: “Kanisa naino ndenge bomoi ya moto ezali mokuse epai na bomoi *wana*.”

235 Nalobaki: “Oo, kasi, ndeko, eloko wana ezali na nsuka, kasi Bomoi oyo tozali na yango kati na Klisto azali na nsuka te. Yango ekoki kozala na bomoi *ya libela* mbala mibale to misato, kasi ekotikáká kozala na Bomoi ya Seko te, mpo Bomoi ya Seko eutaka bobele na Nzambe.”

236 Ya Seko: “Ye oyo akoyoka Maloba na Ngai mpe akondima Motindi na Ngai, azali na Bomoi ya Seko mpe akoleka SOKO MOKE TE na kosambisama, kasi asili kolongwa na kufa mpe koingela na Bomoi.” Yango mpenza, bazuaka Bomoi ya Seko ntango ozali mondimi. Mozangi kondima azali na bomoi ya libela. Oyo ya Seko . . . mondimi azalaka na Bomoi ya Seko, mpe akoki kokufa te, mpo Ezali ya Seko.

237 Kasi mondimi, akokende . . . Mozangi kondima akoleka na mokili, akozala na malози, mawa; oyo abengaka kolekisa ntango malamú, “wuupii, kolekisa ntango malamú.” Basi, vinyo, mpe ntango malamú, akanisi ete azokoba ndenge wana. Akokufa, akokende na libeke ya móto mpe ya sufulu oyo ezikaka, epai wapi kozika ezali kokóba mpo na libela na libela, ntango mosusu mibu milió mokama, elimo na ye ekonyokwama kati na libeke ya móto mpe ya sufulu.

238 Ngai . . . Bokoloba: “Ekozala mpenza lokola sufulu oyo eyebani?” Nandimi ete ekozala mabe mingi mpenza, koleka yango. Nandimi ete bokoki kolimbola yango na móto oyo toyebi te. Ntina bobele moko oyo balobi “na móto,” móto wana nde eloko oyo ezikisaka koleka oyo tozali na yango. Móto ezikisaka mpenza mpe ebebisaka nyonso. Ee, na bongo, ekozala na kati kuna, kasi okozala na elimo oyo esengeli kozua etumbu na nzela na . . .

239 Sikawa, bosengeli kotala malamú liloba oyo *móto*, mpo Molimo Mosanto esalelami, “Molimo Mosanto mpe móto”; mpamba te, móto ya Molimo Mosanto ezikisaka masumu nye, bomoni, mpe epetolaka.

240 Kasi móto *oyo*, euti na lifelo, balobeli “libeke ya móto.” Mpe ézala ata nini, ezali etumbu elongo na monyoko. Mozui atombolaki miso, ntango azalaki na lifelo, mpe alobaki: “Tinda Lasalo ná mwa mai na misapi na ye, mpo átia yango na mbebu na ngai, mpo móto oyo ezali kotungisa ngai.” Bókanisa te ete lifelo moko oyo ezali kopela móto ezali te, mpe lifelo mpenza, ezali. Soko zabolo moko mpenza azali, lifelo moko mpenza ezali.

241 Kasi, bomoni, eloko nyonso oyo ebebisami ezali na nsuka, mpamba te sukasuka, esengeli kozonga na bopeto wana mpe na boyengebene ya Nzambe. Mpe Nzambe azali Seko; mpe soki tozali na Bomoi ya Seko, Nzambe azali kati na biso, mpe tokoki lisusu kokufa te, ndenge Nzambe akoki kokufa te. Yango mpenza.

242 Sikawa, nkómá emilimboli mpenza Yango moko, bomoni, mpe ekomisi yango alimá. Sikawa, tótala, nazalaki na . . . nayebi te soko . . . Iyo:

“Nini eko—nini ekokómela bango?”

243 Balimwe, eloko moko na bango etikali lisusu te: elimo ekei, molimo ekei, bomoi ekei, nzoto ekei, makanisi ekei, ekaniseli ekei.

244 Mpe ata likanisi mabe ekozala lisusu te na Nkembo, to ete ezalaki, ete esalemaki. Ya solo, nyonso ekozala . . . Bokoki kokanisa ete awa, bato bakozala awa na eteni oyo . . . ?

245 Biblia elobi te ete: “Ata makanisi ya bato na nkanza ekobebisama nye?” Makanisi na yango mpenza ekobeba.

246 Awa moto moko akozala *awa*, tala Nzambe Mosantu Monene Ye oyo *awa*: mpe koyeba ete libulu monene ezali wana, oyo ezali na milimo oyo ezali kozika kati na yango? Ee, ekokaki kozala Lola te. Makanisi mpenza, ekaniseli mpenza, nyonso oyo ebekisámá, likanisi mabe nyonso, nyonso ekokufa, ná nyonso oyo ezali mabe kati na yango. Mpe tokozala bobele bopeto, ná *Zoe*, Bomoi ya Nzambe; mpo na Seko, mpe mpo na bileko nyonso, kokóba, kokóba, kokóba, kokóba; Ekosukáká te, ekozala ya Seko!

247 “Bakotaki na etumbu ya *bileko na bileko*, kasi bayengebene bakotaki na Bomoi ya Seko.” Bososoli? Etumbu ya *bileko na bileko*, Bomoi ya Seko, oyo bokeseni monene mpenza!

248 Sikawa, bomoni, ezali te . . . Sikawa, nayebi, mpo na bino, bana na ngai balingami, Ezali te ete na—nazoluka komitalisa lokola ete nayebi nyonso. Soko nasali bongo, . . .

249 Sikawa, natikali na mituna ya malamú misato to minei. Nakozua yango mokolo ya Lomíngo na ntongo, soko Nkolo alingi.

250 Sikawa, bótala. Bomoni, makambo oyo ebotaka mituna. Naza motei ya kala. Na—na—na—nazali na mibu ntuku mibale na motoba kati na mosala ya koteya. Mpe na—nazali kozongisa matondi mingi mpo na yango, mpo nákoká koloba boye . . . Nameká ata moke te koluka kotalisa eloko moko na bomoi na ngai, kozanga ete émonisama liboso. Mpe nazali kozongisa matondi mingi ndenge Mwanje na Nkolo . . . Kutu natángá te, makoki moko te. Kasi Mwanje oyo akitaki, mpe azali lisungi oyo Nzambe atindéla ngai. Mpe Atikálá koyebisa ngai likambo moko te bobele makambo oyo esimbanaka simbisi banda na Genese kino na Emoniseli, na lolenge ete . . . Nakomáki noki-noki, ntango Alobaki: “Mpe o—mpe okozala na likabo ya lobiko na nzoto kouta na Nzambe.” Mpe nakomaki yango kaka ndenge Alobaki yango.

251 Mpe pene na mibu misato nsima na yango, mobongisi mayangani abendaki bo—bokebi na ngai na likambo yango,

alobaki: “Ndeko Branham, omonaki yango? Ebongi mpenza be na lolenge ete Ayebisaki yo ‘likabo moko.’”

²⁵² Bomoni, Alobaki te “likabo mpenza.” Mpe moto nyonso—nyonso na Biblia...likabo nyonso ezali “likabo mpenza,” longola bobele lobiko na nzoto kouta na Nzambe, mpe yango ezali “likabo moko.” Ezali “makabo ya lobiko na nzoto.” Okoki kozala na makabo ndenge na ndenge ya lobiko na nzoto, ndenge ekeseni. Kasi, nyonso mosusu ezali “likabo mpenza”: likabo “mpenza” ya lisakoli, likabo “mpenza” ya *oyo*. Kasi lobiko na nzoto kouta na Nzambe ezali na boike: “makabo.” Mpe natikálá komona wana te, ete Molimo Mosanto abongi be mpenza. Oh, Nkolo ápambolama!

²⁵³ Bososoli ete bobele Molimo Mosanto moko oyo akomaki Biblia wana, na nzela na bato nkama na nkama, bakabwani mibu nkama na nkama. . . mpe ata moko na bango te atangwaki longwa moko na mosusu, bango nyonso bazalaki kobakisa moko likoló na mosusu; mpe moko ayokaki likambo ya mosusu te.

²⁵⁴ Mpe Paulo akendeki, azalaki na Alabia, mpe atikálá ata kokóma na Yelusaleme te mibu zomi na minei, kasi azalaki na Yelusaleme mpe na...alongwaki...atikálá kokende na Yelusaleme te. Kasi na Alabia, mpe abandaki koteya, atikálá komona Petelo te mpe baoyo batikali mibu zomi na minei. Kasi ntango bakutanaki, bazalaki koteya likambo yango moko mpenza: libatisi na mai na Nkombo na Yesu Klisto, lobiko na nzoto kouta na Nzambe, mpe nguya ya Nzambe.

Oh!

Nazali na esengo mingi ya koloba ete nazali moko na bango.

Moko na bango, nazali moko na bango,
Nazali na esengo mingi ya koloba ete nazali moko na bango; (Aleluya!)

Moko na bango, nazali moko na bango,
Nazali na esengo mingi ya koloba ete nazali moko na bango.

Bato bazali na bisika nyonso, penepene,
Mitema na bango ezali kopela móto,
Na Móto oyo ekitaki na Pantekoste,
Oyo epetolaki bango mpe ekomisaki bango peto;

Oh, Ezali kopela sikawa kati na motema na ngai,

Oh, nkembo na Nkombo na Ye!

Nazali na esengo mingi ya koloba ete nazali moko na bango.

Basanganaki na eteni ya ndako ya likoló,
Bango nyonso bazalaki kobondela na Nkombo na Ye,

Babatisamaki na Molimo Mosanto,
 Mpe nguya mpo na mosala eyaki;
 Sikawa, oyo Asalaki mpo na bango mokolo
 wana
 Akosala ndenge moko mpo na yo,
 Nazali na esengo mingi ya koloba ete nazali
 moko na bango.

Nazali moko na bango, nazali moko na bango,
 Nazali na esengo mingi ya koloba ete nazali
 moko na bango; (Aleluya!)
 Moko na bango, moko na bango,
 Nazali na esengo mingi ya koloba ete nazali
 moko na bango.

- 255 Bóyoka, nazali na mwa nsango moko mpo na bino:
 Yaka, ndeko na ngai mobali, kozua lipamboli
 oyo
 Ekopetola motema na yo na masumu,
 Ekosala ete ngengele ya esengo ébeta
 Mpe ekobatela móto na elimo na yo;
 Oh, ezali kopela sikawa na motema na ngai,
 Oh, nkembo na nkembo na Ye,
 Nazali na esengo mingi ya koloba ete nazali
 moko na bango.

256 Ozali na esengo ya kozala moko na bango, boye te? Ezali
 nini? Molimo nde epesaka emoniseli. Ezali emoniseli ya Nzambe:
 “Likoló na libanga oyo.” Ata soko episkopo mokonzi. . .

257 Sángó ya Katoliko azalaki, eleki ntango molai te, na ndako
 na ngai. Alobaki: “M. Branham, naye kotuna yo motuna moko.”
 Nalobaki: “Malamu, misie.”

258 Alobaki: “Nazali na mokanda moko awa, euti na episkopo,
 mpo na yo.”
 Nalobaki: “Malamu, misie.”

259 Alobaki: “Makambo oyo okoloba, okoki kotombola loboko
 mpo na kolapa ndai mpenza ete okoloba solo?”

260 Nalobaki: “Nakosala yango te.” Nalobaki: “Biblia elobi:
 ‘Kolapa ndai ata moke te, na likoló to na mabelé (mpo ezali
 etemelo ya makolo na Ye). Tika ete iyo na bino ézala te mpe iyo.’
 Soko episkopo alingi koyoka oyo nasengeli koloba, akondima
 maloba na ngai na oyo yango ezali. Soki te, nakolapa ndai te.”

261 Mwa sángo oyo ya ndakonzambe Sacré-Cœur, awa, alobaki:
 “Obatisaki nde Pauline Frazier na date *songolo-pakala*?”

262 Nalobaki: “Ezali bongo, misie, kuna na Ebale ya Ohio.”

263 Alobaki: “Obatisaki ye ndenge nini?”

264 Nalobaki: “Nabatisaki ye, nazindisaki ye na mai na Nkombo
 na Nkolo Yesu Klisto.”

265 Akomaki yango. Alobaki: “Oyebi, lingomba Katoliko ezaláká kobatisa bongo.”

Nalobaki: “Na ntango nini?”

Alobaki: “Na eleko ya ebandeli.”

Nalobaki: “Na eleko ya ebandeli oyo wapi?”

Alobaki: “Ee, na ebandeli.”

Nalobaki: “Ebandeli oyo wapi?”

Alobaki: “Na Biblia.”

Nalobaki: “Olingi koloba na ebandel- . . . ya—ya bayekoli?”

Alobaki: “Solo mpenza.”

Nalobaki: “Obengi bango ba-Katoliko, to, ba—ba . . . ? Olobi ete bayekoli bazalaki ba-Katoliko?”

Alobaki: “Solo mpenza, ezali bongo.”

Nalobaki: “Nakanisaki ete lingomba Katoliko ebongwaná te?”

Alobaki: “Ebongwani te.”

266 Nalobaki: “Bongo mpo na nini Petelo alobaki: ‘Bóbongola mitema, mpe bóbatisama na Nkombo na Yesu Klisto’? Mpe bino bolobaka ete ezalaki . . . ete azalaki pápa?”

267 “Iyo.”

268 “Kasi mpo na nini bobátisaka na nkombo ya ‘Tata, Mwana mpe Molimo Mosanto’? Mpe ye azalaki kozindisa bato, kasi bino bomwangisa mai. Sikawa likambo nini esalemaki?”

269 Alobaki: “Kasi, omoni,” alobaki, “lingomba Katoliko ezali na nguya ya kosala nyonso oyo elingi kosala.” Huh.

270 Nalobaki: “Mpe obiangaki bayekoli ba-Katoliko?”

271 Alobaki: “Iyo.”

272 Nalobaki: “Mesie, nazali na buku ya Josèphus, nazali na *Buku ya ba-Martyr ya Foxe*, nazali na *Bileko Ya Ebandeli* ya Pemberman, nazali na *Ba-Babilone Mibale* ya Hislop, makambo ya histoire ya kala mpenza koleka, oyo ezali na mokili, lakisa ngai, na kati na yango, esika lingomba Katoliko etiamaki mpenza to ekómaki mpenza ebongiseli . . . mibu nkama motoba nsima na liwa ya ntóma ya nsuka.”

“Oh,” alobaki, “biso tondimaka oyo lingomba elobi.”

Nalobaki: “Ngai nandimaka oyo Biblia elobi.” Bomoni?

“Ee,” alobaki, “Nzambe azali kati na lingomba na Ye.”

273 Nalobaki: “Nzambe azali kati na Liloba na Ye.” Mpe nalobaki: “Soko . . .” Alobaki . . . Nalobaki: “Biblia elobi te ete Nzambe azali kati na lingomba na Ye, kasi Biblia elobi ete Nzambe azali kati na Liloba na Ye. ‘Na ebandeli Liloba azalaki, mpe Liloba azalaki mboka na Nzambe, mpe Liloba azalaki

Nzambe; mpe afandaki elongo na biso.” Ya solo. Nalobaki: “Nzambe azali kati na Liloba na Ye.”

274 Abimaki mpe akendeki koyebisa yango. Alobaki: “Ee, tokoki kowelana te,” alobaki, “mpo yo ondimeleka Biblia, ngai nandimelaka lingomba.”

275 Nalobaki: “Nandimaka ete Biblia ezali Liloba na Nzambe oyo epemelami mpe ete ata kotelemelana moko te ezali kati na Yango. Mpe Ezali Liloba na Nzambe, miango na Ye ya Seko, mpo na bileko nyonso ekoya. Alobaki: ‘Likoló mpe nse ekoleka, kasi Liloba na Ngai ekoleka te.’ Ya solo. Nandimaka Liloba.”

276 Akendeki epai ya Mme Frazier. Alobaki: “Mme Frazier, okolinga kosinié lokasa oyo mpo na kotika ete mwana na yo ya mwasi ákoka kozala mondimi ya lingomba Katoliko?”

277 Alobaki: “Malamu nákende elongo na ye na nkunda.”

278 Alobaki: “Nsoni na yo.” Alobaki: “Osengelaki kozongisa matondi ete mwana mwasi yango ábima na bozoba wana, ákota na lingomba Katoliko.”

279 Alobaki: “Bongo soki mwana na yo ya mwasi nde azalaki kosambela na lingomba na ngai, olingaki koloba nini mpo na yango?”

280 “Oo,” alobaki, “oyo wana ezali ndenge mosusu.”

281 Alobaki: “Te, ezali ndenge mosusu te.” Ayebaki ete autaki esika moko boye, ntango alongwaki epai ya mwasi wana kuna. Ayebaki ete autaki esika moko boye. Mwasi yango alobaki: “Sikawa, ekuke moko oyo okotelaki ezali polele.”

282 Bomoni, nde ndenge wana. Kotika te ete báníata yo, ozali na ntina ya kotika te ete óniatama. Soko Nzambe azali mpo na yo, nani akoki kotemela yo? Ya solo! Lelo, kokoso ezali ete, bato bakómi na mokuwa ya soso na esika ya kozala na mokuwa ya mokongo. Zua ngámbo ya Nzambe mpe ya solo!

283 Molimo Mosanto moko oyo ekitaki likoló na bantoma wana mpe kuna na bileko, ezali naino kati na Lingomba na Ye kino lelo, kati na baoyo Nzambe Amimonisi epai na bango. “Etali te moto oyo alingi, to moto oyo azali kopota mbangu, kasi Nzambe oyo ayokelaka bato mawa.” Ezali Nzambe, na kopona na Ye, nde amemaka bato mpe afungolaka bango miso. Okoki komona Yango te, ozali mokufi miso, mpe okoki komona ata moke te, loba bobele soko Nzambe afungoli lisosoli na yo. Biblia elobi ete oza mokufi miso, mpe ozali komona te. Ntina ezali te ete ómeká. Ná mayele nyonso ya kelasi, boyebi nyonso okoki kozua, ozali kaka kokoba kokufa miso koleka.

284 Sikawa bino bato ya Eglise du Christ oyo awa, bino “bolobaka esika Biblia elobaka, mpe bofandaka nye esika yango efandi nye,” bolobi nini mpo na mosusu Oyo? Bofandi mpenza kimia na ntina na oyo Wana. Ya solo.

285 Bomoni, esengaka Solo oyo emonisami ya molimo. Na nsima Nzambe akiti, Amimonisi mpe Atatoli Yango ete ezali Solo. Amen! Bolingi Ye? Ngai mpe. Amen.

286 Malamu, bino nyonso, ba-Metodiste, bolingi kopesana mbote ya loboko ná ba-Batiste sikawa? Bino ba-Presbiterien?

287 “Sikawa,” bokoloba, “Ndeko Branham, okati nde bondeko ná ba-Batiste mpe ba-Presbiterien oyo babatis- . . .?”

288 Te, misie, ezali bongo te. Namonaka bango lokola bandeko na ngai. Ya solo mpenza! Ata soko obatisámá ata moke te, ata soko obatisámá na nkombo ya “Roze ya Sharon, Lisi ya Lobwaku, mpe Monzoto ya Ntongo,” elingaki te kozala na . . . elingaki kaka kozala malamumu lokola “Tata, Mwana, Molimo Mosanto.” Ezali kaka bibiangelo misato. Azalaki Roze ya Sharon. Boye te? Lisi ya Lobwaku, Monzoto ya Ntongo, nyonso wana. Na ntembe te, Azalaki yango. Moko to mosusu. Kasi likambo ezali nde boye: lolenge ya malamumu ya Makomi, ezali na Nkombo na Yesu Klisto. Soko olingi lolenge ya Makomi, ezali mpenza yango. Yango nde lolenge oyo elongobani.

289 Sikawa, soko obatisami na nkombo ya “Tata, Mwana mpe Molimo Mosanto,” omoni ete ezali malamumu, amen. Soko ezali eyano malamumu epai na Nzambe, mpo na lisosoli malamumu epai na Nzambe, amen. Kende liboso, bomoni.

290 Kasi mpo na ngai, na oyo etali ngai, soko osengeli kotuna ngai, koloba: “Ndeko Branham, nasengelaki nde kobatisama lisusu?” Nalingaki koloba: “Iyo,” mpo na ngai.

291 Mwasi oyo ayaki awa mokolo wana, alobaki: “Nkolo abengi ngai mpo názala motei.” Nandimaki yango te, kaka ndenge nandimaki mpe te ete—ete akoki kopumbwa kino na sanza. Mpe a . . .

292 Nalobaki: “Ee, ezali malamumu mingi, ndeko mwasi.” Nalobaki: “Obálá?”

“Iyo.”

“Ozali na bana mibale?”

“Iyo.”

Nalobaki: “Nini nde . . . ? Mobali na yo abikisámá?”

“Te.”

Nalobaki: “Okosala na ye nini?”

“Nakobanda kotika ye na ndako.”

293 Nalobaki: “Oyo wana nde mpambo ya malamumu koleka, oyo zaboló asilá kozua. Oza mwasi kitoko, mpo na kobanda, mpe kobima mpo na kokende elanga ya koteya, okozala mpenza mpambo mpe eloko ya kobeta masasi mpo na zaboló. Mpe mobali na yo, na ndako, elenge mobali, mpe otiki ye ná bana mibale oyo; akobanda kotambola na mwasi mosusu, mpe bana yango bakozala na papa mosusu, moko na mikolo oyo.” Nalobaki:

“Liboso, soko Nzambe abengi mwasi, Atelemeli Liloba na Ye.”
 Nalobaki: “Sikawa, soki olingi, ezali likambo te.” Nalobaki:
 “Sikawa, lisosoli ya makanisi, olobi ete Nkolo apési yo lisosoli
 ya makanisi. Olingi kokende komeka yango na etumbelo?”

²⁹⁴ Alobaki: “Iyo.” Mpe bomoni oyo esalemaki.

²⁹⁵ Bomoni, epesaka molende. Esengeli kolongobana na Liloba.
 Soko ezali kati na Liloba te, na bongo ezali solo te. Ata soko
 koningana na yo ezali ndenge nini, ezali solo te. Amen! Eyokani
 lokola likambo ya malamumu. Amen!

²⁹⁶ Malamumu:

Tokotambola kati na Pole, Pole kitoko mpenza,
 Eyaka epai mamwe ya mawa ezali kongenga;
 Ezali kongenga zingazinga na biso na moi mpe
 na butu,
 Yesu, Pole ya mokili.

Bino basantu nyonso ya Pole bótatola ete,
 Yesu, Pole ya mokili;
 Na bongo, bangonga ya Likoló ekobeta ete,
 Yesu, Pole ya mokili.

Tokotambola kati na pole, pole kitoko mpenza,
 Eyaka epai mamwe . . .
 Ezali kongenga zingazinga na biso na moi mpe
 na butu,
 Yesu, Pole ya . . .

²⁹⁷ Sikawa nalingi ete moto nyonso ábaluka mpo na kopesa
 mbote ya loboko, na ngámbo nyonso minei, ná bato nyonso
 sikawa, wana tozali koyemba yango lisusu:

Tokotambola kati na Pole, Pole kitoko, (Amen!)
 Eyaka epai mamwe ya mawa ezali kongenga;
 Ezali kongenga zingazinga na biso na moi mpe
 na butu,
 Yesu, Pole ya . . .

²⁹⁸ Bolingaka ba-Methodiste? Boloba: “Amen.” [Losambo balobi:
 “Amen.”—Mok.] Ba-Batiste? Ba-Presbiterien? Bakatoliko? Ba . . .
 oh, bolingaka bango nyonso? Boloba: “Amen.” [“Amen.”]

Tokotambola kati na Pole, kitoko . . .

Kopesanáká mbote ya loboko, wana tozali kokende.

Oh, eyaka esika mamwe ya mawa ezali
 kongenga;
 Ezali kongenga zingazinga na biso na moi mpe
 na butu,
 Yesu, Pole ya . . .

²⁹⁹ Liboso ete tóyemba loyembo na biso ya bokabwani . . .
 Sikawa, ekoki kosalema ete názala lisusu awa mokolo ya
 Lomingo. Sasaipi, nsima na yango, nakozonega lisusu te, kino


nsima ya Nowele. Bomoni, mpo nazokende na Michigan, longwa na Michigan na Colorado, longwa na Colorado kino na Idaho, longwa na Idaho kino na Californie, mpe tokozonga. Mpe ekoki kosalema (nalingi ete bobondela mpo na ngai) ete názala na Waterloo, Iowa, kobanda mokolo mwa ntuku mibale na minei ya sanza ya liboso kino mokolo mwa mibale ya sanza ya mibale. Bomoni, na stade monene wana, kuna, bauti kobenga ngai kala mingi te, mpe nazali na ntango ya kobondela banda ngonga oyo kino mokolo ya Lomingo. Bomoni, na Waterloo, na Iowa, ekómi mpembeni sikawa.

³⁰⁰ Kasi sikawa, bomikanisela, bóyoka emisíó ya ndeko na ngonga ya libwa, mokolo ya Mposo na ntongo. Tokobenga ye mpo na koyebisa ye. Ekozala na WLRP, lisanga Neville ya bato minei, na ngonga ya libwa, mokolo ya Mposo na ntongo. Toko . . . Soko na—nakoki kozua yango te, Ndeko Neville akosilisa mituna yango. Okosala yango, Ndeko Neville, mokolo ya Lomingo na ntongo? [Ndeko Neville aseki mpe alobi: “Osengi eloko monene!”—Mok.] Ee, tala, soko ozui kpokoso, nakoya kosunga yo. Akotala yango. Malamu.

³⁰¹ Malamu:

Mema Nkombo na Yesu,
Mwana na mawa mpe bolozí;
Ekopesa yo esengo mpe libondisi,
Oh, mema Yango bisika nyonso okokende.
Nkombo ya motuya, O ya boboto!
Elikia ya mokili mpe esengo ya Lola;
Nkombo ya motuya, (Nkombo ya motuya!) O ya
boboto! (O ya boboto!)
Elikia ya mokili mpe esengo ya Lola.

³⁰² Sikawa, soko bolingi koyeba Batiste moko, oyo andimaka likambo ya kogánga, wana nde lolenge ya koganga oyo ngai nandimaka. Mobange mama oyo afandi kuna, Molimo ekitaki likoló na ye. Abandaki koganga, akokaki komipekisa te, apusanaki mpe ayambaki mwana na ye ya mwasi. Ndenge wana nde nalingaka komona yango. Amen. Yango mpenza nde komiyoka malamau ya ndenge ya kala, oyo euti na motema. Oh, la la, mobange—mobange mosantu, oyo akémbá mpe akoméla, abele mi mpo na kozonga na ndako na Nkembo. Azali bobele kozela ete bábenga ye, bomoni, azali mpenza kolekisa ntango ya malamau mingi.

Malamu, Ndeko Neville sikawa, nyonso alingi kosala. 

57-0925 Mituna mpe Biyano Baebele Eteni Ya I
Branham Tabernacle
Jeffersonville, Indiana U.S.A.

LINGALA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Liyebisi ya makoki ya mokolo-eloko

Makoki nyonso ekopesama na ndingisa. Búku oyo, ekoki kozala imprimé na masíni ya ndako mpo na yo moko to kokabama, ofelé, lokola esalelo mpo na kopalanganisa Nsango Malamu ya Yesu Klisto. Búku oyo ekoki kotekama te, koyíkanisama te, kotiamana na site internet te, kobombama mpo na kolukaluka te, kolimbolama na nkota mosusu te, to kosalela yango mpo na kosenga misolo te, kozanga ndingisa ekomami mpenza na Voice Of God Recordings®.

Soki olingi koyeba makambo mosusu to kozua bisalelo mosusu, koméla:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org